



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material



Wm
52B



1999

6661

1666
9991
9991

Մ Ե Ղ Ա Ք Ի Ը Յ Ը Բ Ե Ղ Ա Յ Ի

պատմութիւն

վասն

Ա.Օ.ԳԻՆ ԿՆՏՈՂԱՑ

՚ն Լոյս ընթացեաց

Ք. Պ.

ԱԿԱԴԵՄԻԿՈՍ
ՀԱԿՈՒԲ Չ. ՄԱՆԱՆԴՅԱՆ

Ս. Պետերբուրգ.

՚ն ոպտբանէ կայեբրակուն ճեմարանէն Գլխու-Ըեանց

1870.

Напечатано по опредѣленію Факультета Восточныхъ язы-
ковъ С. Петербургскаго Университета.
3 Декабря 1870 г. За Декана *И. Березинъ.*



Типографія Императорской Академіи Наукъ.
(Вас. Огг., 9 л., № 12.)

h. 8522

Միակ հասեալ առ մեզ երկասիրութիւն Աբեղայիս
է յատեանս պատմութեան Ազգին Նետողաց, յորում
ճառէ զարշաւանաց թաթարին ՚ի Հայս յելս ժն դա-
րու: Միակ ունէաք առաջի օրինակ հեղինակիս, գա-
ղափարեալ յամին 1847 ՚ի վանս սրբոյն Ղազարու և
այն՝ բազմասխալ և թերաբան: Անփոփոխ պահելով
զուղղագրութիւն և զկետագրութիւն սկզբնագրին, զօ-
տարագրի և զանիմաց բանս նոտրագրով դրոշմեցաք,
զլուսաբանութիւն հեղինակիս այլում ժամանակի թո-
ղեալ: Յաւելլով ՚ի վերջոյ զյիշատակարան անյայտ
շարունակողին պատմութեան Միքայէլի Ասորոյ և
զմեկնութիւն զժուարիմաց այլագրի բառից, ՚ի լոյս
ընծայեմք զգրքոյիս ՚ի զիտութիւն մերագրի և օտար
բանասիրաց:

ՄԱՂԱՔԻԱՅ ԱՅԵՂԱՅԻ
ՊԼՏՄՈՒԹԻՒՆ
ՎԱՍՆ ԱՉԳԻՆ ԿԵՏՈՂԱՅ



Թէ ուստի կամ յորմէ ցեղէ աճեցին, և տիրեցին բազում աշխարհաց և դաւառաց:

Յետ ելանելոյ աստուածաստեղծ մարդոյն Ադամայ ՚ի դրախտէն. և պատուիրելոյ տն այ բրտնաջան աշխատութեամբ ուտել զհաց զամ աւուրս իւր յաղագս խաբման կնոջն և դաւաճանութեան պեղծ օձին. վն մոռանալոյ զգեղեցիկ պատուիրանն այ: Ապա յայնմ հետէ կարօտացաւ բնութիւն մարդոյն հեշտութեան և մարմնական զբազմանցն. իսկ՝ բանսարկուն սատանայ վն չար նախանձուն իւրոյ հանսպազ ուսուցանէր զմարդիկ դործել զանարժանս. որպէս կայինի զեղբայրսպանութիւն, և անօրէն հսկայիցն զօրանալն ՚ի մեղս, և ուտել զմեռելոտիսն. և զայս տեսեալ արարչին բարկացել վն չար դործոց մարդկան, ջրհեղեղաւ կորոյս զամենեսեան պահելով սերմն մարդկութես զերանելին արդարն զՆոյ.

ուստի յետ Ժ ծննդոցն Նոյի արդարոյ, ծնաւ հայրն հաւատոյ, որդին Թարայի, մեծն Աբրաամ, որ հայր վերամբարձ անուանեցաւ, վն զի ՚ի սմանէ սերեցան բազում ազգ և անհն.ք. յաղագս օրհնութե մեծին նոյ, որ ասացաւ նմա բազմանալ զաւակի նոյ իբրև զաստեղք երկնից, և ուր զաւազ ան աին ծովու. ուստի և կա տարեցաւն իսկ. զի յազատ կնոջէն Աբրաամու ծնաւ Իսահակ. և ՚ի նմանէ Յեսաւ և Յակոբ, և յակոբայ՝ քօնն նահապետքն, և մեծ մարգարէն Պաւլոս, ուստի յայտնեցաւ ՚ի տանէ և յազգաթուէ Պաւլոս՝ բանն անծ անծ մեր յս քս: Իսկ յաղախեացն Աբրաամու որ են անուանք նոյ միոյն՝ Հագար, և միւսոյն՝ Կենդուրայ. ՚ի Կենդուրայ ծնաւ Իմրան, որ են Պահլաւք. ուստի քաջն Արշակ, և նրն Պրիգոր լուսաւորիչն Հայոց. իսկ ՚ի Հագարայ՝ Իսմայէլ, որ Թարգմանի լուսնն նոյ. ուստի իսմայէլացիք, զոր հրամայեաց ան Աբրաամու ՚ի ծննդեան իսմայէլի տալ նմա և ազգի նոյ զպարաւ ըտուծի երկրի. և առնել զնա՝ ազգ մեծ. և ձեռք նոյ ՚ի վր թշնամեաց իւրոց, սրով և աղեղամբ առաւել ք զամ ազգս աջողէ: Իսկ Յեսաւայ՝ որդւոյն Իսահակայ, ծնան Յեսուացիք, որ են սկիւթացիք. սեաւք և վայրազ, և այլադէմք. և ՚ի նոցանէ ծնան Էդոմէսք, և լեկզիք, որ բնակեն ՚ի ծակս և ՚ի դարանս, և բազում ոճիրս գործեն: Եւ ասի թէ երոմայեցիք այլ ՚ի սմա ծննդոցն է՝ որ են ֆրանկ, ուստի և խառնեալ ՚ի միմե-

անս երեք ազգս այս Հագարու, և Կենդուրայ, և Եսաւայ, և ծնաւ ՚ի սոցանէ ծնունդ այլադէմ ազգեցութիւն չարին, և անուանեցաւ Տաթար. որ ասի սուր և թեթեւ: Իսկ նրն Եբրսէս ասէ զսա ՚ի մնացորդացն Հագարու, խառնեալ ընդ ազգին զովգայ որ ՚ի Թորգոմայ, որք ունին զսկիւթիայ մասն երկրի. որ սկսանի յԱթլ գետոյ առ Իմաւոն լերամբն ձգել մինչև ՚ի ծովն կազբից: Ուր բնակել են ազգ խոյ որ խժական անուամբ կոչին խուժ և դուժ, նոյ ազգ առանձնականս. և զխաւորին ամենեցուն ասի Էդոմէսք, և յազգացն այնոցիկ միւսոյն ասի Էդոմէսք, զոր կարծեմք, թէ այս է որ ասին Թաթարք: Եւ ուր յոմանց ՚ի նոցանէ լուսաւ. ելին ՚ի Թուրքաստան աշխարհէն իւրեանց ազգն այն և մեկնեցան ՚ի կողմ ինչ մասին յարևելեաց, և կային անդ աւազակութիւն, վայրաբնակք և յոյժ աղքատք, և բազում ժամանակս, և պաշտօն ինչ ոչ ունէին. բայց միայն պատկերս Թաղեայ, զոր տակաւին կրեն ընդ ինքեանս ՚ի պէտս կախարդութե: Բայց ընդ արեգակն զարմանային, ուր ընդ զօրութի ինչ անոցին. և ապա յանկարծակի ուշաբերել, յոյժ նեղելք ՚ի թշուառական և աղքատ կենացն, կոչեցին յօղնութի զանձ՝ զարարիչն երկնի և երկրի, և ուխտեցին նմա յուխտ մեծ կալ ՚ի հրամանս նոյ:

Որոյ երևել հրեշտակ հրամանաւն նոյ, ՚ի կերպարանս ոսկեփետուր արծույ, և կոչել ՚ի ձայն և ՚ի բա-

ըբառ նոցին լեզուի զգլխաւորն նց, որոյ անունն ասիւր
 Չանկըզ, և նա երթեալ կացել է հանդէպ արծուակերպ
 հրեշտակին հեռագոյնս և ՚ի բացեայ իբրև նետընկեց
 մի, և ապա արծիւն ըստ նց լեզուին ասաց զիմ հրա-
 մայեալսն յայ: Աւ այս է օրէնքն այ, որ եղել է ՚ի նս,
 զոր անուանելեն իւրեանքն, խոստի: Առաջին այս, որ
 սիրեն զմիմեանս. եկդ, մի շնալ. մի գողանալ. մի սուտ
 վկայել. մի գոք մատնել. պատուել զծերս և զաղքատս.
 և թէ գտանի ՚ի նս այսպիսի մեղանաց՝ սպանցին՝ գո-
 րծողքն մեղացն: Աւ մինչ զայս ուսոյց հրեշտակն, ապա
 կոչեաց զանուն զլխաւորին չաչան, որ և ասացաւ նմա
 Չանկըզայան. և ասաց հրեշտակն՝ տիրել ՚ի վր թաղում
 աշխարհաց, և զաւառաց, և բազմանալ նց անթիւ և
 անհամար բազմութիւն՝ որ եղևն իսկ. և կատարեցաւ
 ասացելն ՚ի անէ. ուց ՚ի ձեռն մարգարէին սպառնայր
 անձ ասելով. «Թէ բաժակ է ՚ի ձեռին իմում Նարուգո-
 ղոնոսոր, և ում կամիմ արբուցանեմ զնա». այսպէս և
 այլադէմ և զազանաբարոյ ազգս այս, ոչ միայն բաժակ,
 այլ և մրուր դառնութե հասել ՚ի վր մեր վն բնմ և
 ազգի ազգի մեղաց մերոց, զոր հանապազ բարկացուցաւ
 նեմք զարարիչ անձ ՚ի գործս մեր. վսյ զարթոյց զնս ան
 բարկութիւն առ ՚ի իրատել զմեզ. վն ոչ պահելոյ զպա-
 տուիրանս նր:

Իսկ յորժամ խնացան այլադէմ և զազանաբարու
 ազգն այն, թէ կամք է այ տիրել մեզ ՚ի վր երկրի՝ ապա

այնուհետև զօրաժողով լեալ զնացին ՚ի վր պարսկաց,
 և առին ՚ի նոցանէ փոքր քաղաք մի, և պարսիկքն զօ-
 րացել առին դարձել զիւրեանցն, և զնոցայն: Աւ ապա
 դարձել ձայն ձգեցին յազգն ՚ի յազգն իւրեանց. ուր
 և կային բնակեալ ազգն նետողաց, և այլ ևս դարձել
 յարձակեցան ՚ի վր պարսից, և յաղթեցին և առին
 զքաղաք և զիմ ինչս նց: Աւ ՚ի վերայ այսր անի դարձել
 հրաման առին ՚ի զանէն իւրեանց, որ կոչեցաւ Չանկը
 զան, և արձակեցան ՚ի աշխարհին աղուանից և վրաց,
 և զայս լու՛ել թգրն Վրաց զհամբաւ գալոյ Տաթարին ել
 ընդդէմ նց կն հեծելով, ՚ի դաշտն մեծ՝ որ կոչի
 Կոտման, որ կայ առաջի Տրուսական բերդին. և յու-
 ըժամ խմբեցաւ պատերազմն ազրեցութիւն սատանայի՝
 որ հանապազ հակառակէ նա ճշմարտութեն, տրն
 Սանասայ գոմուց Համիզոլա անուն, յաղագս քինու-
 ինչ ջլատեաց զին Մթաբակ Իւանէի. զի յայնմ ժա-
 մանակի մեռել էր թգն վրաց Աշէն. և մնացել էր
 որդի նր մի՝ Գաւիթ անուն, և դուստր մի Ուռուզու-
քան անուն. և անկել էր Գաւիթն ՚ի ձեռս հոռո-
 մնց Սուլտանին, և կայր ՚ի բանտի, և քոյր նր Ուռու-
զուքան ունէր զթգրութիւն վերակացութիւն Իւանէի,
 որոյ Մթաբակ անուանեցաւ. իսկ յորժամ եհաս հա-
 մբաւ գալոյ Տաթարին ըստ վերագոյն ասացելոցդ, յայ-
 նժամ առել ՚ի տանէ զհեծել թագաւորութեն վրաց, և
 եկն ՚ի Գագառ մեծ և իմաստուն իշխանն վարհամ (որդի)

պլու Օ աքարէին, և առեւ զնա զօրօք իւրովք զնաց
 րնդդէմ Տաթարին, և առեւ իրորովի և մեծ իշխանն
 Վարհամ զաջոյ թեն, և Իւանէ զձախոյ, և յորժամ
 արձակեցան ՚ի միմեանս, այս ոճիրս գործեցաւ, որ
 գրեցաւ, ՚ի ձեռն անիծելոյն Համիդօլայ: Իսկ յորժամ
 ետես ազգն Նետողաց զայնպիսի երկպառակութի ՚ի նս.
 յայնժամ զօրացել արձակեցան ՚ի վրձ վրաց հեծելոյն,
 և յանխնայ կոտորեցին զնս: Իսկ մեծ իշխանն վարհամ
 տէրն Քաղայ, առեալ զաջոյ թեն, և մինչ յերեկոյն
 զնաց կոտորելով զՏաթարն յանխնայ յարձակամբ, մի
 նչև առհասարակ լցաւ դաշտն Սազամայ կոտորել Տա
 թարով. և ինքն վարհամ իշխանն Քաղայ իբրև լուաւ
 զկոտորումն զօրաց թագաւորութե՛, յայնժամ մեծապն
 տրամեալ և թողել զգործ պատերազմին՝ դարձաւ յա
 մուրս բերդին իւրոյ, որ կոչի Քարհերձ: Եւ այս եղև
 ՚ի թվականութե Հայոց ոկգ և յետ երկոց ամաց անցե
 լոց, դարձել եկն Տաթարն, և էառ զՔանձակ Շ ահաստ
 ան, և յանխնայ կոտորեաց և գերեաց, և դարձաւ յե
 րկիրն իւր բազում աւարաւ և դանձիւք:

Իսկ եթէ զինչ նմանութի ունէր առաջի Տա
 թարն՝ ասացուք և զայն ևս. զի ոչ էին իբրև զմարդ
 առաջինքն՝ որ եկին ՚ի վերին երկիրն, այլ էին ահա
 զինք տեսողաց և անպատմելիք. զի գլուխն մեծ էր
 իբրև զգոմիշու. աչքերն նեղ իբրև զձագու, քիթն
 կարճ իբրև զկատուի, դուռն մուռ իբրև զշան.

2. 4. 10

214

մէջքն բարակ զինչ մըջուման, ոտքերն կարճ զերդ
 զխողի, մօրուս բնաւ իսկի չունէին, ունէին զերդ
 առիւծի, ձայնն ճիւղղ քան զարծուի, ուր չի պատմիր
 անդ պատմուիր: Կանայքն իւրեանց ունէին դօականի
 սուլու ՚ի վերսուլէ ծածկել վարսահարով զիպակի. եր
 եսքն զայն պետէ, սպանմամբ գեղով ձեպէին, իժի
 նման ծնանէին, և զայլապն կերակրէին. մահն ՚ի նս
 իսկի չերևուր. վն այնոր դձ տարի ապրէին. այս ցեղ
 էին առաջինքն՝ որ եկին յաշխարհն վերին. և հաց
 ամենեին չուտէին:

Քարձել այլ ևս հրաման առեւ ՚ի դանէն, և եկին,
 դիւաւորք ՚ի վր Աղուանից և Վրաց, և առին բա
 զում քաղաքս և բերդերս, և էին անուանք նոյ՝ միոյն
Չօրման, և երկրորդին՝ Րենայ, և երրորդին՝ Սուլար.
 և եղել ՚ի վր բերդորացն կեայ անհամար հեծելօք.
 և առին զառաջինն Ղ ամբօր, հուպ առ Քանձակ՝ որ
 յառաջ առեւ էին, առին ՂԱ գամ, ՂՔ արհերձ, ՂՏ
րևեն, զմեծ զղեկն Թիւրանիստ. ՂՎ արդման, ՂԵ րգեա
 նքն, ՂՄ ծնարերդ, առին և գործով զամուր զղեկն
ՂՏ աուշ՝ որէր արձու սուլտանի. առին ՂՏ ունականն
 և զնոր բերդն, առին և զքարայրն մեծ վարդապետին
 բազում րնչիւք իլի, և տարան զինքն զիսուաւոր վա
 րդապետն մեր՝ Վ անական ծառայ՝ իւրովք աշակե
 րտօքն:

Իսկ երկիրն ամէն ՚ի միասին ցաւակից՝ ետուն բա

300

զուժ գանձս և ոսկիս, և գնեցին զվարդապեղն իւրովք
աշակերտօքն: Յետ այսորիկ յորժամ իմացան իմա-
ստուն իշխանքն Հայոց և վրաց, թէ ան է տուել զօ-
րութի և յաղթութի նյ առնուլ զաշխարհս մեր:
Ապա գործ և սէր կապել՝ գնացին ՚ի հազանդութի
Տաթարին, և խոստացան տալ հարկս, իմ Ծառ և Խաղար,
և ինքեանք հեծելով գնալ ընդ նն ընդ որ և տանիցին.
և հաւանեալ Տաթարին՝ թողին զկոտորումն և զաւե-
րումն աշխարհին, և ինքեանք դարձան ՚ի տեղի իւրե-
անց յերկիրն Մուղանայ. բայց թողին զխաւոր մի
Ղարա Բուղա անուն քակել զամ ամուրս երկրին՝ զոր
առել էին. զոր և քակեցին ՚ի հիմանց զանառիկ բերդսն
զշինեալսն ՚ի տաճկաց բազում ծախիւք. և այս այսպէս
գործեցաւ:

Յաւուրս այսոսիկ երևեցաւ աստղ մի գիսաւոր
աւուրք ինչ, և դարձել ծածկեցաւ: Նոյն և ՚ի յայս
աւուրքս խաւարեցաւ արեգակն, ՚ի վեց ժամէ աւուրն
մինչև ցինն ժամն: Իսկ զ զխաւորքն որ ասացաւ
առին զաշխարհ Վրաց և Աղուանից, և դարձան յե-
րկիրն Մուղանայ, որ միշտ կանաչ լինի խոտն ամառն
և ձմեռն՝ վնս պարարտութեն երկրին, և քաղցրութեն
յօդոյն. և անդ կացել աւուրս ինչ դարձել այլ ևս խո-
րհեցան գալ ՚ի վր Քրիստոնէից առ ոչինչ ունելով և
համարելով զկոտորումն քրիստոնէից. յաշխարհն վրաց
և Աղուանից որ և զանուանի քարն Շէղա առին, և

բիւրք բիւրուց կոտորեցին ՚ի նմա, որ և թիւ ոչ զոյր
կոտորելոցն, և զողայսն զերեցին, յամ յաշխարհէն
անթիւ բազմութիւն, և այսու ոչ յագեցան, այլ դարձել
խորհեցան գալ ՚ի վր երկրին, և առ հասարակ կոտորել
զամ երկիրն: Իսկ նախախնամութիւն ամենակալին այ
ոչ առնէ անտես զյուսացելսն առ նա, զի զանարժան
խորհուրդ նյ և զանիրաւ խախանեաց, և զերեց գըլ
խաւորացն, որ ասացաւ, զերկուսն սատակեաց, և թէ
զինչ խորհեցան ասացուք սակաւ մի: Արեկոյն արարին
խոտնայ, որ ասի ժողով. և խորհեցան կրկին ևս դա-
ռնալ ՚ի վր կալել երկրին, և առ հասարակ կոտորել և
զայս ոչ երեքն միաբան խորհեցան, այլ և երկուքն.
Իսկ Չորմանն բարի խորհրդով ասէր ՚ի հրամանէ և
նախախնամութիւն այ, բաւական լինել զաւերումն աշխար-
հին ասելով՝ թէ շէն մնան, ասէ, զերկիր վաստակին,
և զկէսն մեզ տան զապրանացն, զայդոյ և զարտոյ, և
կխտին իւրեանքն ապրին. և մինչ ՚ի յայս խորհուրդս
էին, օրն երեկոյացաւ, և խոտնայն խախանեցաւ, և
՚ի քուն մտանէին, և մինչ լուսացաւ, տեսին զքոս
զխաւորսն մեռեալ, որք զչարն խորհեցան, և միւսն
էր կենդանի, որ զշինութի և զխաղաղութի երկրի կա-
մեցաւ. որոյ անուն էր Չորման: Աւ ապա ելել Չոր-
մանն վկայիւք բանիս գնաց առ մեծ զխաւորն իւրեանց
Չանկզղանն, և պատմեաց զամ խորհեալսն զիւր և
զընկերաց իւրոց զխաւորացն, զնյ սատակումն և զիւր

կենդանի մնալն ՚ի միում գիշերի: Իսկ զայսնն իբրև լու-
 ւաւ զարմացել ասաց ց'Չորմանն. " այն ինչ ք' գլխա-
 ւորքն խորհեցան չէր հաճոյ այ. վն այն յանկարծամահ
 եղեն. իսկ զու վն բարի խորհրդոց քոց ոչ մեռար.
 զի այ կամք է առնուլ զերկիր և պահել ՚ի շինութե՛ և
 դնել Աստի, կալ ընդ հրամանաւ մեր. և տալ մեզ
Տղուս և Տայ և Խաղապ և Ղէնու: իսկ զայնոսիկ որ ոչ
 հնազանդին հրամանաց մեր և ոչ տան մեզ հարկ. զայ-
 նոսիկ սպանանել և զտեղին քակել, որ այլքն որ լսեն
 և տեսանիցեն և երկիցեն և ոչ արասցեն այնպէս": Եւ
 զայս ասացել Ղանն ապա. հրամայեաց Չորմանին,
 դնալ և պահել զուխտն իւր զոր խորհեցաւ և ապրե-
 ցաւ ՚ի մահուանէն: Եւ ետ զբարեմիտ կինն իւր զԱմի-
 թանայ խաթունն Չորմանին, և անուանեաց զհա Չոր-
 մաղան: Իսկ Չորմաղանն առել զբարեպետ և զշնորհա-
 ւոր կինն Չանկղանին՝ զԱյլթանայ խաթունն, եկն
 նստաւ ՚ի Մուղան, որ է նմերոց Տաթարին հանդերձ
 հարիւր և Ժ. գլխաւորօք. եւ ապաւէն արարին զՂու-
 ստի և ժողով մեծ հրամանաւ Չորմաղանին և բա-
 ժանեցին զերկիրս ՚ի միմեանց վր' ճ և Ժ գլխաւորքն,
 և արարել ընդ երեք մասն զաշխարհս, բաժին մի
 զնացին ընդ հիւսիսոյ կողմն. և բաժին մի ընդ հարաւ.
 և բաժին մի ընդ մեջ երկրիս, որ այժմ ունին դեռևս.
 իսկ անուանք գլխաւորացն որ ՚ի մէջ երկրիս մնացին,
 են այսօքիկ. Ասութունուին, որ էր ոսկր զանին.



Չաղատայն՝ որ զայն կոչեցաւ, և յետոյ Սոնիթոյ. միւս
 այլ փոքր Չաղատայ. Բաչու նուինն, որ գրին գլուխ
 ամ զօրացն. Ասար նուին. Խութթուուինն. Թութու
 նուին. Աբօթայ նուին. Խոճայնուինն. Խուուումչի
 նուինն. Խոււնան նուինն: Այնպէս և այլ գժան գլխա-
ւորքս բաժանեցին ՚ի միմեանց վր' զերկիրն Վրաց և
Աղուանից. լեառնով և դաշտով, և զմեծ տուն Չօր-
մաղանին բերին ՚ի գանձակ Շահաստան, որ զառաջն
աւիրեր էին, և յետոյ այլ շինեցաւ: Իսկ մեծ և անհարկ
իշխանքն Վրաց և Աղուանից, եղեն ընդ հարկաւ նոյ,
որ կամաւ և որ ակամայ, և տային անխափան զամ սահ-
մանել հարկսն, զոր յառաջագոյն գրեցաք, և ինքե-
անք ըստ ուժոյ և ըստ կարողութե՛ իւրեանց հեծելովք
զնացին ընդ նոսա ՚ի Խուսն, և առնուին զօջ հնազանդե-
ալ քաղաքս և զբերդս, աւերելով և գերելով և կոտո-
րելով յանխնայ զարս և զկանայս, զքհնայս և զկրօնա-
ւորս. գերելով և զարկաւազունսն ՚ի ծոյութի՛ իւրե-
անց. կողոպտելով զեկեղեցիս քրիստոնէից աներկիղա-
բար, և զպատուականն նշխարս մարտիրոսաց սրբոց,
 և զխաչս և զգիրքս մերկացուցել ՚ի զարդուց առ ոչինչ
 համարել ձգելն ընդ վայր: Եւ արդ զ՛ր աղէտ և զպա-
 տահումն ժամանակիս գրեցից. բաժանումն հարց և
 մարց ՚ի յորդոցն, թէ զսիրելեաց և զմերձաւոր ընտա-
 նեաց զխափանումն սիրոյն, զիւրեանց սեփհական ընչիցն
 առնումն, թէ զզեղեցիկ ապարանացն ՚ի հրոյ ծախու-

մըն, զմանկտիս ՚ի գիրկս մարցն զենումն, թէ զգեղեցիկ
 և զփափկանունդ երիտասարդաց և զկուսից մերկ և
 բոկ զերումն: Այ անցաւորիս. կարծեմ թէ անս յի-
 մոց պարտեացն հանտիպեցաւ. զոր տը և արարիչն
 մեր, այն որ ներող է և երկայնամիտ, այց արասցէ հօտի
 իւրոյ՝ զոր զնեաց պատուական արեամբն իւրով: Այս
 մինչ եղև ՚ի դառն ժամանակիս փայլէր իբրև զարեգակն
 նբ հոգի վարդապետն մեր Անականն յերկիրն արևե-
 լեան, երկդ արևելք անուանել: զի լուսով և անհաս
 գիտութիւն ամենիմաստ հոգւոյն սրբոյ, զոր և բազում
 երկամբ և աշխատութիւն ձրի բաշխէր զկերակուրն հո-
 գևոր քի զբան վարդապետութեն հոգւոյն, նմանել երկ-
 նաւոր վարդապետին քսի հեղութիւն և խոնարհութիւն
 լուութիւն և երկայնամտութիւն. սիրող սրբոյ և սրբութեց,
 խաչին և եկեղեցոյ, ժամատեղաց և ժամարարաց քահա-
 նայից և կրօնաւորաց, առ մեծամեծսն ահարկու, առ
 աղքատսն և կարօտեալսն քաղցր, առ մեղուցեալսն
 անոխակալ, զնելով զգեղ ապաշխարութիւն թեթևա-
 գոցն, ուղ զի կարող լինիցին տանել զլուծ ապաշխա-
 րութիւն և վերստին նորոգել հոգւով և մարմնով և կալ
 հաստատուն ՚ի հաւատս ճշմարիտս, փառաբանիչս և
 երկրպագուս ամենասբ երրորդութիւն: Նոյննս և զո-
 վելի աշակերտքըն իւր Արգան և Վիրակոս, Առա-
 քելն և Յովսէփ խաչանման բաժանել զաշխարհն
 արևելից, լուսաւորեցին կենարար վարդապետութիւն հո-

գւոյն սրբոյ, այլ և բազում որդիս ՚ի փառս ածին, ձրի
 բաշխելով զտիրական զխաչանիշ զգաւազանն. նմանել
 փառաւոր վարդապետին իւրեանց՝ կատարելով զան
 հրամանքն. թէ ձրի առէք և ձրի տուք. զոր և կեանս
 նյ տացէ եկեղեցոյ իւրոյ քն ան ընդ երկայն ժամանակս.
 ամէն:

Դ ռձր թվին Հայոց, զորաժողովեալ Յաջուհու-
 ինն զլիաւորն Տաթարին եկն ՚ի վր Վարնոյ քղքին
 անթիւ բազմութիւն և ածել ՚ի հիսար ամիս քուս,
 առին և յանխնայ կոտորեցին և աւերեցին զբարեկէն և
 զգեղեցիկ քաղաքն. նոյնպէս և զվանորայս երկիրն և
 զհրաշալի եկեղեցիսն անմարդաբնակ արարին գերելով
 և աւերելով, որոյ հայոց և վրաց իշխանքն առել բնիմ
 դրեանս, տօնական և մարտիրոգէք, առաքեալ և ըն-
 թերցուած, զործք և ոսկէգիրք աւետարանք անման
 փարթամութիւն զարդարած ՚ի շինութիւն և ՚ի զարդորոցոյ
 նոր Սիոնի ուստի առել տարան յաշխարհն յարևելից
 և լցուցին զվանորայսն ան զարդիւք եկեղեցոյ: Աւ ՚ի
 վր այսր անի զկնի միոյ ամի անցանելոյ՝ դարձել այլևս
 զորաժողով եղեն ազգն Նետողաց հանդերձ հայոց և
 վրաց իշխանօքն: Աւ եկին ՚ի վր աշխարհին հոռուոց
 անթիւ բազմութիւն. և զլիաւորն զօրուն՝ Յաջու Նուինն,
 յաջողել էր ՚ի գործ պատերազմի ուր և հանդիպէր
 ընդդէմ յաւիտի իւրեանց, բազում յաղթութիւն առնէր.
 բայց պատճառ յաղթութեն էին հայոց և վրաց իշխ-

688
 1239
 688
 551
 1239

անքն՝ որ լինէին երեսք զառաջինն և ուժղին բախե-
 լով ՚ի թշնամիսն յարձակէին, և ապա զինի նոյ Տաթարն
 նետիւ և աղեղամբ: Իսկ յորժամ մտին յերկիրն հո-
 ոմոց՝ ելաւ ընդդէմ նոյ Խիաթարին սուլտանն ճն-
 օք և Կո օք, և էր որդին մեծին Շալուէի առ սու-
 լտանն ՚ի վաղուց ժամանակաց, և յորժամ կազմեցան
 ՚ի գործ պատերազմին հանդիպեցան ՚ի զօրք Տաթա-
 րին, և որդին Շալուէի հանդէպ միմեանց ՚ի ձախյ-
 թեն, և մեծայաղթ իշխանքն հայոց և վրաց ընդդէմ
 սուլտանին զօրացն յաջոյ թեն. և յորժամ սաստկա-
 ցաւ մարտն, քաջ և անուանի որդին Շալուէին դար-
 ձոց զՏաթարն և զբազում կոտորեաց ՚ի նոցանէ: Իսկ
 վրաց իշխանն, անն Ղազայ, որդին մեծին վարհամայ,
 թոռն բլու Օւաքարէի, Աղբուղայ անուն, քաջապէս
 մարտուցել ընդդէմ զօրու սուլտանին, հանդերձ այլ
 ազատագունդ զօրօքն հայոց և վրաց՝ որ ընդ նմա, և
 դարձուցել զաջ թե զօրաց սուլտանին, բազում ամի-
 րայից և մեծամեծաց զլուխս հատելն յոյժ տրամեցու-
 ցին զսուլտանն: Աւ օրն երեկոյացել թողին զգործ պա-
 տերազմին, և բանակեցան հանդէպ միմեանց ՚ի մէջ
 զաշտավայր տեղեացն, որ կայ ընդ մէջ կարնոյ քաղա-
 քի և եղնկային: Իսկ ընդ լուսանալ միւս այլ աւուրն
 զուղեցան զօրքն Տաթարին, և հայոց և վրաց, գնալ
 ընդդէմ սուլտանին ՚ի պատերազմ. զօրօք բազմութիւն
 ձիաթողել ՚ի վր բանակի սուլտանին գնացին, և յոր-

ժամ հասին ՚ի տեղի բանակի սուլտանին, այլ ոչ ինչ
 գտին, բայց միայն զվրանին բազում ուժիւք լցել: Աւ
 զվրան սուլտանին տեսին բազում գանձիւք զարդարել
 ներքոյ և արտաքոյ և գազանք վայրենիք կապելն ինձ
 և առեծ և յովազ առ դուրս վրանի սուլտանին. քզի
 ՚ի գիշերին յայնմիկ փախել էր սուլտանն ան զօրօք
 իւրօք, յերկմտութիւն ամիրայիցն՝ որ կամէին հնազան-
 զել Տաթարին, զփախուստ սուլտանին, կացուցին սա-
 կաւ մի ՚ի զօրացն պահապանս զգուշութիւն ՚ի վր վրա-
 նիցն ասելով, թէ խաբէութիւն ինչ է, և այլ բազմութիւն
 զօրքն արձակեցան զհետ սուլտանին, և ոչ կարացին
 ըմբռնել զք, զի յամուրս յերկրին իւրեանց հասել
 էին: Իբրև զիտացին եթէ ստոյգ փախուցել է սու-
 լտանն հոռոմոց, դարձան յետս զօրք Տաթարին, և
 առին զան ուժիւս և զկարասիս նոյ հանդերձ մեծամեծ
 և գեղեցկայերանդ վրանօքն՝ զոր թողել էին առ ահի
 Տաթարին, և ինքեանք փախուցել: Աւ ապա ՚ի վաղիւն
 ուրախութիւն մեծաւ յարձակեցան ՚ի վր աշխարին հո-
 ոմոց, առին զԱղնկայն յառաջագոյն և թողին շահնայ,
 առին և զԿեսարիայ և բազում արիւնհեղութիւն արա-
 րին ՚ի նմա վասն ոչ տալոյ զքաղաքն, այլ կային ընդդէմ
 Տաթարին կուռով, վն զի բազում հեծեալ կայր, բնակել
 ՚ի նմա լցել ան բարութիւն, և ոչ տային զքաղաքն սի-
 րով: Իսկ խորամանկ զօրք Տաթարին ջան եղել առին
 խաբէութիւն, և անհասարակ կոտորեցին զմեծամեծան,

և զփոքունսն զերեցին յանխնայ յամ ընչիւք իւրեանց։
 Եւ դարձեւ առին զԿօնն և զաշխարհն հանդերձ մեծա-
 մեծ գեղօք և վանորայիւք. և ապա արձակեցան ՚ի վր'
 Սեբաստիոյ և գործով առին զնա, բայց ոչ կոտորեցին
 զնա այլ առեւ աւար զինչս նոյն և զմարդիկն համարեալ՝
 եղին հարկս ՚ի վր' նոյն ըստ սովորութե իւրեանց, Տաւ և
 Խաչապ, և թողեւ շահնս և գլխաւորս յերկիրն հռոմոնց,
 և ինքեանք զնացին բազում աւարաւ և գանձիւք և
 դերօք, զոր առին յաշխարհն հռոմոնց, յերկիրն
 յարևելից ՚ի բնակութիւն և յուրդ գահս իւրեանց։
 Իսկ բարեպաշտ և քսապասակ թգրն հոյոց Հեթում հան-
 դերձ ամ իմաստութիւն լցեւ հարբն իւրով և անապահ
 եղբարբքն և իշխանօքն, ՚ի խորհուրդ մտեւ հաստա-
 տեցին ՚ի միտս իւրեանց հնազանդել Տաթարին, և տալ
 հարկս և Խաչան, և ոչ թողուլ զնս յանաշէն՝ և ՚ի քրի-
 ստոնեպատողով յերկիրն իւրեանց, զոր և արարին իսկ
 վն զի յառաջագոյն տեսին զԲաջայն՝ զգլխաւորն զօրաց
 Տաթարին, և հաստատեաց զաշինս սիրոյ և հնազան-
 դութեն, և ապա զկնի այնորիկ առաքեցին զեղբայր
 Թագաւորին զասպարապետն հայոց, զպարոն Սմայատ
 առ Սային զանն՝ որ էր նստել ՚ի յաթոռ Չանկզղանին.
 և երթեւ ըստ աջողելոյն այն ետես զՍային զանն, զի էր
 զանն այն յոյժ քրիստոնեպասէր և բարեսէր, վն այն
 ազն իւրեանց անուանեցին զնա Սային զան, որ է ըստ
 լեզուին իւրեանց՝ աղէկ և լաւ զան։ Եւ տեսեւ զասպա-

րապետն հայոց Սային զանն՝ յոյժ ուրախացաւ վն քրի-
 ստոնէութեն հաւատոյն, ևս առաւել վն կորովի և իմ-
 աստուն բանիցն զոր խօսեցաւ ասպարապետն հայոց
 Սմբատ առաջի նոյն, և արարեւ զնա պարտ, և տուեւ մեծ
 Խաչապ, և Խայեղայն ոսկիս, և Տաթար խաթուն պոյն
 Կախար. զի այն էր նոյն մեծ սէրն՝ որ զով սիրէին
 և մեծարէին՝ տային կին ՚ի պատուաւոր կանանցն իւրե-
 անց, և այսպէս մեծարանօք պատուել զասպարապետն
 Հայոց, յուղարկեաց յաշխարհն իւրեանց առաջի
 քսապասակ արքային Հայոց Հեթում, հրամայելով նմա
 զնալ առ ինքնին, և տեսանել զնա. զոր տեսեալ բարե-
 պաշտ թգրն Հեթում զպարոն եղբայրն իւր՝ զՍմայատ
 այնպիսի պատուով պատուել և մեծարել ՚ի զանէն,
 յոյժ ուրախացաւ յուրախութիւն մեծ, ևս առաւել ընդ
 զրեալն վն ազատութե երկրիս և վանորէիցս և ամ
 քրիստոնէից։ Իսկ քաջ և անուանի զօրքն վրաց՝ ոչ
 ունէին գլուխ և թագաւոր իւրեանց ՚ի վաղուց հետէ,
 և դուստրն Վաշային Ուռուզուքան մահուամբ փոխե-
 ցաւ յաշխարհէս. և վերք մնացին անտերունչք, իբրև
 զհօտս որոյ ոչ իցէ հովիւ. ապա ՚ի նախախնամութեն
 այն ընդ միտ արկեւ զօրդին Թագաւորին իւրեանց զՎա-
 ւիթ՝ որ էր ՚ի բանտի ՚ի Հոռոմք. և ըմբռնեալ արս
 գլխաւորս ՚ի զօրացն հռոմոնց իշխանքն վրաց տա-
 րան առ Բաջայն՝ որ էր գլխաւոր Տաթարին. և ետ-
 ուն չարչարանօք հարցանել զնս վն Թագաւորորդոյն

526



Պաւթայ, և ՚ի նեղելն զնս հարցմամբ և սաստիկ գա-
նիւ, ոպ սովորութի է Տաթարին, եկին ՚ի խոստ. և
սասցին թէ կայ յերկաթ և ՚ի հորի ՚ի կեսարիայ: Աւ-
ապա յոյժ ուրախացել վրաց իշխանքն վահրամ զտէրն
զազայ հրամանաւ Ռաչոնուհինին և այլ ամ գլխաւորաց
Տաթարին, և ետուն զինի վարհամայ Տաթար գըլխաւ-
որ մի այլ հարիւր ձիաւորով և յուղարկեցին զնս մեծ
հետախուզ ՚ի կեսարիայ, և իբրև գնացին գտան կամօքն
այ զթագաւոր որդին Պաւիթ՝ մեծ և ՚ի խոր վերապի:
Իսկ կամքն այ պահել էր զնա կենդանի ՚ի խոր բանտին,
և իբրև տեսին զօրք Տաթարին՝ և մեծ իշխանն վար-
համ ՚ի հիացման եղել վն կենդանութե նր ետուն
փառս այ: Աւ էր Պաւիթ, որդի թագաւորին վրաց,
երկայն հասակաւ և կորովի, գեղեցիկ պատկերաւ և
թուխ մորուօք, լցել ամ իմաստութիւ և շնորհօքն այ:
Աւ ապա հանել ՚ի բանդէն՝ ազուցին նմա հանդերձս
պատուականս, և հեծուցել յերկվարս առին և գնացին
յաշխարհն իւրեանց, և յորժամ հասին ՚ի մեծ քաղաքն
Տփլիս՝ յոյժ ուրախացան ամ իշխանքն վրաց, և
առել հրաման ՚ի Ռաչոնուհինէն և Մայլթանայ խաթ-
ունէն, որ էր կին Չորմաղանին. զի ընդ այն աւուրսն
մեռել էր Չորմաղանն, և կինն ունէր զզանութի. որ
ետ հրաման և հեծել զինի մեծ իշխանին վարհամայ,
և առաքեաց առ մեծ զանն, որ էր յարևելք, և գնացել
օգնութիւն այ, և տեսել զզանն պատմեցին զեղել իրսն

վն թիւորորդոցն, և առին հրաման ՚ի մեծ զանէն,
բերին նրատուցին զՊաւիթ յաթոռ հօրն իւրոյ ՚ի
Տփլիս, և իշխանքն վրաց յոյժ ուրախացել անու-
անեցին զնա վարհամուլ թագաւոր, ք՝ թէ վարհամ
եղիր թագաւոր, և առ ժամանակ մի խաղաղացաւ երկ-
իրն վրաց և աղուանից, վն նոր թագաւորին նստելոյ:
Իսկ Չորմաղանն մեռաւ բարի խորհրդով, և եթող
երկուս որդիս Մայլթանայ խաթուն կնոջէ իւրմէ,
անուն միոյն՝ Սիրամունն, և եկզին՝ Ռաւրայ, և էր Սի-
րամունն բարի ՚ի մանկութէ իւրմէ սիրող քրիստոնէից
և եկեղեցոյ, և կամօքն այ յաջողել ՚ի գործ պատե-
րազմի. մինչ զի վասն կարի քաջութե զաներն ոսկի
սիւն. անուանեցին զնա յետ բազում յաղթութեց և
պատերազմաց: Իսկ եղբայր նորին վն չարութե բա-
րուց իւրոյ սպանաւ ՚ի Հուլաւուն զանէն:

(Յայտմ ժամանակի հանդիսանայր պայծառ և առա-
քինի վարուք հաճոյ այ և մարդկան ար կոստընտինն
կաթուղիկոսն Հայոց հանդերձ քսապսակ թագաւորաւն
Հեթումաւ, որ և լուսաւորեցին ուղղափառ հաւատով
և պայծաւ կարգօք զամ եկեղեցիս Հայաստանեաց յա-
րևելս և յարևմուտս և յամ տեղիս:

Իսկ թագաւորահայրն պարոն կոստընդինն հանդերձ
այլ ամատուր որդովքն և իշխանօքն կայր վառել ընդ-
զէմ զօրաց այլազայն և թշնամեաց խաչին քսի, և
պահէին յուրախութի հանապազ զբարեպաշտ և զքա-

պսակ թիւն հայոց զէթում հանդերձ գեղեցիկ և պատուական շքանք՝ իւրովք՝ լեռնիւ և թորոսիւ: Իսկ բարեսէր և գեղեցիկ թիւն վրաց Գաւիթ հանապաղ իւր ամ թագաւորութիւն կայր ՚ի մեծ ուրախութե և ՚ի գինարբուս յիւր թիւրանխտ քղքն Տիխիս, և յաւ ուր միում էր մեծ ճաշ և ուրախութիւն առաջի թիւրին, և սովորութիւն վրաց հանապաղ ամբարտաւանել և մեծամեծ բանս խօսել. իսկ մի ՚ի յիշխանաց վրաց համարեաց թիւրին զայլ իշխանսն, և ասաց զթիւ իշխանացն ու ձիաւոր պատերազմող կայր որ ունէր շ, և անկաւ բանս այս ՚ի լոյս ամ թագաւորութե, յորժամ էին յանուշացել ուտել և յըմբելն, և յորժմ հաշուեցան և համար արարին զօրացն հայոց և վրաց ասացին զիւրեանցն յաղթող լինել ՚ի վր զօրաց Տաթարին, և բաժանեցին զգլխաւորսն ՚ի վր իւրեանց, և այս ոչ թէ ուղորդ խորհեցան և կմ խօսեցան, այլ առ կատակատանս, զի պարապ և անհպելին ՚ի ցաւոց, և այլ թշնամի ոչ գոյր յերկիրն յարևելից՝ բայց միայն Տաթարն, որ յամ ժամ զային և հարկաւ ներգացուցանելին զվրաց և զհայոց իշխանքն. յոմանց ուզէին ոսկի կտաւ, յոմանց բազայ, յոմանց ակէկ շուն և ձի, և այդպէս ներգացուցանելին զնն զատ ՚ի Տալէն և ՚ի Բաղարէն, և ՚ի Խալախէն: Այն այնորիկ խօսեցան զայդ բայց ոչ ուղորդ, այլ ընդ խաղս և ընդ կատակս: Իսկ մի ոմն յայնցանէ, որ անդն կային, նմանել յուրայի մատնչին, գնաց և

մատնեաց Տաթարին, զսուտ բանն իրաւ և ուղորդ դարձուցել այսպէս ասելով թէ՛ վրաց թիւրն և իւր իշխանքն խորհեցան զալ ՚ի ձեր վր. իսկ նի աւատացել սուտ բանին, դարձան ՚ի վր աշխարհին, և յաւարի առել զամ ինչս և զխաշինսն. բայց զմարդիկն ոչ կոտորեցին առանց հրամանի մեծ զանին, և ըմպունեցին զթագաւորն և զամէն եշխանսն Աւե. մինչդի յայն որ զմեծ իշխանն վրաց զորդի աթարակ Իւանէի Աւագ անուն, տարան առ դուրս զխաւորին դագաղօք, զի ընդ աւուրսն այնոսիկ հիւանդացել էր, և ոչ կարէր նստիլ ՚ի ձիոյ. և թէպէտ այլ իշխանքն և թիւրն շատ խօսեցան, ոչ հաւատացին խօսից նից. և ՚ի գերելոյ և յաւարելոյ զաշխարհն ոչ դադարէին, և յորժամ տարան զԱւագն դագաղօք ՚ի դուռն զխաւորաց Տաթարին, ապա նմա խօսիցն աւատացել թողացուցին զաշխարհն ՚ի կոտորելոյ, և արարին խաղաղութիւն սրտաբեկ և ողորմելի քրիստոնէից.

Բնդ աւուրսն ընդ այնոսիկ փոխեցաւ ՚ի քս աւագ և փառաւոր վարդապետն մեր Ա անականն, և սուղ մեծ եթող մեզ, և ոչ թէ միայն մեզ աշակերտելոցս նմա, այլ և ամ Խիս. որոյ յիշատակ նր Օրհնութիւն եղեցի. և աղօթք նր ՚ի վր ամ աշխարհի և ամ քրիստոնէից:

Իսկ ՚ի յաւուրս այսոսիկ եկն մարախ սաստիկ և եկեր զամ աշխարհն արևելից, մինչև առ հասարակ երկիրս ամ արևելք և արևմուտք ՚ի յահէն զարհուրել

յած ապաւինեցան մեծաւ հառաչանօք, և ապա ողորմութիւն այ գերծաւ աշխարհ ՚ի յահագին ցասմանէն, և ետուն փառս այ ամենակալին, փրկողին յայնպիսի պատուհասէն: Եւ այս եղև ՚ի թվականութեն Հայոց չ. և զկնի ցասմանս այսորիկ եկն գլխաւոր մի Տաթար Արզուն անուն հրամանաւ Մանկուղանին, և համարեաց զերկիրն յարևելից վն հարկի, և առնուին այնուհետև զհարկն ՚ի գլխաթվոյ մարդկան. քզի որ գրել լինէր ՚ի Պաւթարն, և այսպէս այլ աւերեցին զաշխարհն արևելից, զի ՚ի մի փոքր գեղն Ծ մարդ համարէին կմ է ՚ի Ժէ տարեկանէն ՚ի վերն զամէնն համարէին մինչ կ տարեկանն, և յամէն գլխոյ որ համարէին կ սպիտակ առնուին. և թէ ոք փախչէր կմ թաքէր, յորժամ ըմբռնէին՝ կապէին անողորմ ձեռս ՚ի յետս, և զալար զաւազանօք ծեծէին մինչ զի մարմինն ամ տրորէր և յարենէն շաղախէր, և ապա անողորմաբար զկատաղի շներն իւրեանց, զոր սովորեցուցել էին ուտել միս մարդոյ, ՚ի ներս թողուին և ուտել տային զտառապել և զչունեւոր քրիստոնեայսն: Իսկ քսապսակ և բարեպաշտ թղրն Հեթում իբրև լսեաց զայս ամ բարկութիւն որ գործեցաւ ՚ի վերին աշխարհն արևելից՝ ապա վն սիրոյ քրիստոնեից ևս առաւել վն իւր սեփական երկրիս, ցնաց բազում զանձիւք առ Մանկուղանն, և հոգաց չթողուլ յերկիրս իւր զայսպիսի բարկութիւն. և յորժամ հասաւ առ զանն կամօքն այ մե-

ծարեցաւ ՚ի զանէն. և արարել զանն մեծ պատիւ և հարկիս թղրին Հայոց, և զամ բան նր հոգաց լ կամաց նր. և զարձոյց մեծ ուրախութիւն յաշխարհն իւր: Իսկ զկնի այսոցիկ և հասանելոյ թվականին Հայոց չի եկին յարևելից, ուստի մեծ զաննէր, է զանի որդիք ամէն զուման մի հեծելով. և մի զումանն էր լն (?): Եւ են անուանք նց այս. առաջին և մեծն ՚ի նոցանէ Հոյլաու, որ էր եղբայր մանկուղանին. ք խուլն, որ և զինքն եղբայր այ ասէր, և ոչ ամաչէր. երրորդն Բալախէն. չորրորդն Տուտարն, էրդն Թագուղարն. զրորդն Ղ ստա զանն. էրորդն Բօրաղանն. և էին սոքա անհնազանդք միմեանց և յոյժ աներկիղք և մարդակերք: Իսկ գալն՝ որ եկին ամէն կառօք եկին և կառօք շրջէին, մինչդի զլեառն և զբլուրս հարդէին աշխարհաւն արևելից, վն հեշտ գնալոյ կառացն և սայլիցն. իսկ այն գլխաւորն որ զինքն եղբայր այ ասէր, եկն ընդ մէջ երկրին, և կոխեաց անողորմաբար բզտառապել քրիստոնեայսն, և զփայտէ խաչն ուր և գտանէին ՚ի ճանապարհս և ՚ի լերինս կանգնել՝ զամէնն այրէին, և ոչինչ իրօք ոչ յազենային, այլ զվանորայսն որ կային յերկիրն, ուր և գտանէին առաւել ևս կոխէին, ուտելով և ըմբելով, և զպատուական քահանայսն կախէին և ծեծէին անողորմաբար: Իսկ զլխաւոր մի ՚ի խուլին հեծելէն գնաց ՚ի վանք մի որ ասի Պերեթին, և էր հայր վանից ալեւոր ծեր յոյժ, ընդրէ է

706
1257
0

+

սբ և առաքինի և Խմ վարիւք և բարի գործովք կա-
 տարե՛ն Ստեփաննոս անուհն. և նա յորժամ ետես զգլխաւ-
 որ Տաթարին՝ որ գնայր առ նա ՚ի վանքն, էառ գինի
 ամանով ինչ և գնաց ընդդէմ Տաթարին և բռնեաց ^{պղծութեամբ}
 նպ սովորութի է Տաթարին, և ապա յետ այնորիկ
 տարե՛լ ՚ի վանքն, և նստուցե՛լ Հանդեձ այլ Հեծելօքն,
 որ կային զինի գլխաւորին, և զեռեաց ոչխար, և եբաց
 այլ գինի, և յագեցոյց ուտելով և ըմպելով զամէնն
 մինչդի բռնին կարէին դադարել ՚ի ձիանն. և յերեկոյն
 արբեալ զնացին ՚ի տունս իւրեանց, զի հուպ առ վանքն
 էր տուն Տաթարին: Իսկ յորժամ հասին ՚ի տունս իւր-
 եանց և ննջեցին զգիշերն, ընդ առաւօտն զարթուցե՛լ
 տեսին զգլխաւորն հիւանդ յոյժ. և յորժամ հարցին
 թէ վն ինչ պատճառի է հիւանդութիւնդ. ասաց գլխաւ-
 որն, թէ երէցն զեղեաց զիս յերեկոյն. և էր անմեղ
 երէցն. բայց վն խարաբ և յանյազ ուտելոյն և ըմպե-
 լոյն իւրեանց՝ այնպէս հանդիպեցաւ: Աւ առ ժամոյն
 ուղարկեցին և կապանօք տարան զհրաշալի ծերն
 զհայրն Ստեփաննոս. և յետ շատ հարց և փորձի և նց
 ոչ աւատարոյ, ՚ի չորից կողմանց փայտ ցցեցին և պըր-
 կեցին անողորմաբար զանպարտն ՚ի յայն բանն, ի գե-
 տնոյն բարձր իբրև կանգնաւ չափ, և ապա հուր վա-
 ոե՛լ ՚ի ներքոյ այրեցին և խորովեցին զԽմ մարմինն նր
 մինչև աւանդեաց զհոգին հրաշալի ծերն Ստեփաննոս.
 և յայտնապէս նշան և սիւն լուսոյ տեսին ՚ի վր երա-

հայր

նելի հօրն Ստեփաննոսի, որ այնպէս անմեղ և ՚ի զուր-
 նահատակեցաւ և ընդ սրբոց մարտիրոսացն պատկեցաւ:
 Իսկ պեղծ և անողորմն գլխաւորն այն զատ ՚ի ցաւէն որ
 ունէր հարե՛լ ՚ի դիւէ մինչ զի կատաղե՛լ ուտէր զպղծ
 մարմինն իւր. և այնպիսի չարչարանօք և դառն հա-
 րուածով սատակեցաւ. նոյնպէս և Խմ բանակն անկան ՚ի
 չար ակտ, և բազումք սատակեցան ՚ի նոցանէ: Աւ
 թէպէտ այս այսպէս գործեցաւ, նք ոչ վախէին յայ-
 այլ յամուռե՛լք հանապազ զխղձի և զդառն արտասուաց
 բանս գործէին. զի մեծ գլխաւորն իւրեանց Խուլն՝ այն,
 որ ամբարտաւանե՛լ նման և եղբայր այ ասէր զինքն,
 անկաւ նա ՚ի ցաւն կրոյ, և այն ցաւին պատճառաւ
 անպաամելի խեղճ և ողորմ բան գործեցաւ. զի զնացին
 անհաւատ ջջուտ մի բժիշկի գտան, և բերին առ Խուլն.
 և յորժամ ետես զցաւ նր անօրէն և սուտ բժիշկին այն,
 ասաց զեղ ցաւին զշեկ տղայի փորն կենդանոյն ճեղքել,
 և զնել գոտն ՚ի փոր տղային: Աւ նոյն ժամայն հանել
 հեծել յերկիրն յանկարծակի. մտանէին ՚ի զեղանն
 քրիստոնէից, և առնուին զտղայսն ՚ի փողոցէն, և
 դայլիպէս փախցնուին. ծնողք մանկանցն զինի զնային
 ճիւղ և աղաղակ բարձե՛լ դառն և ողորմ արտասօք, և ոչ
 կարէին թափել, այլ յետս դարձե՛լ զնային ողորմելի
 սրտով ՚ի տունս իւրեանց. և թէ բռնագատե՛լ նեղէին
 զմանուկսն, յայնժամ նետաձիգ լինէին ՚ի ծնողս մանկ-
 անցն: Աւ այսպէս ողորմելի բանս եղև ՚ի ձեռն անօրէն

Ջջտին մինչդի է տղայն հասաւ թուով, որ ճեղքէին զփորն, և ոչ լաւացաւ: Այլ եբրե գիտաց անօրէն Խուլն՝ թէ անչափ խեղճս արար, և ոչինչ օգտեցաւ. ապա յետոյ բարկացել վն խղճի տղայոցն, հրամայեաց բերել զՋջուտ հեքիմն, և իւրեանն առաջի ճեղքել զփորն և ընկենուլ շանց. և առ ժամայն արարին զհրամայելնս. բայց ինքն Խուլն յետոյ այլ սատակեցաւ չար մահուամբ, և նստաւ ՚ի տեղի Խուլին Միղան անուն որդին իւր: Յետ այսորիկ արարին ժողով մեծ հին և նոր հեծելոց, և վրաց և հայոց հեծելոյն. և անթիւ բազմութիւն գնացին ՚ի վերա Պաղտատ քաղաքին. և յորժամ հասին ՚ի տեղին, առժամայն առին զքաղաքն մեծ և անուանի զՊաղտատ լցել բազում մարդօք և պատուական գանձիւք և անթիւ ոսկով և արծաթով. և յորժամ առին՝ յանխնայ կոտորեցին, և գերեցին զբազումս, և լցան առ հասարակ հեծելն ամ պատուական հանդերձիւք և խալիֆայն ոսկով. ըմբռնեցին և զխալիֆայն, զտէրն Պաղտատայ իւր ամ գանձիւքն, և բերին առաջի Հուլաւոյն զիրացած և սոնքացած:

Աւ յորժամ ետես Հուլաւունն, հրամայեաց թէ՛ զհն ես տէրն Պաղտատայ. և նա ասաց թէ՛ ես եմ. և ապա հրամայեաց զնել ՚ի բանդի զերեք օր, անհաց և անջուր. և յետ դ և ուրն՝ հրամայեաց բերել առաջի իւր, և եհարց Հուլաւունն զխալիֆայն թէ՛ նի՛չ ցեղ կաս. և նա ցասմամբ պատասխանի արար, իբր թէ

վախցնելով զՀուլաւունն, ասէ՛ այդ է ձեր մարդկութիւն, որ ես դ օր յանօթի կենամ. զի յառաջագոյն ասացել էր խալիֆայն ցքաղաքացիսն՝ թէ մի վախիք, թէ լինի ու Տաթարն գայ զՄահմետի դրօշէն ՚ի դուրս բերեմ, որ Տաթարին հեծելն ամէնն անցնի, և մեք ասարինք. և զայս լսել էր Հուլաւունն և յոյժ բարկացել: Աւ ապա հրամայեաց Հուլաւունն տապալ զմի կարմիր ոսկի բերել և զնել առաջի. և յորժամ բերին ասաց խալիֆէն՝ այս ի՛նչ է. ասաց Հուլաւունն՝ յթէ ոսկի կեր՝ որ քաղցր և ծարաւդ անցանի, և կըշտանաս, ասաց խալիֆէն, թէ ոսկով ոչ ասարի մարդ, այլ հացով և մնով և զինով: Ասաց Հուլաւունն ցխալիֆէն. ՚իբր գիտես զայդ, որ մարդն չոր ոսկով չապրի, այլ հացով և մնով և զինով, դու այդչափ ոսկի էր չղարկեցեր ինձ ընդդէմ, որ ես չէի եկելու զքո քաղաքս աւերելու, զքեզ կալել, ու դու քեզ անհող նրստել էիր կերել և խմել: Աւ ապա հրամայեաց Հուլաւունն զօրացն ոսիւք տալ և այնպէս սպանել զխալիֆայն տաճկաց: Աւ զընացին բազում գանձիւք և աւարաւ աշխարհն յարեւելից: Աւ ՚ի զալ ամին եկին ՚ի վր Մուֆարդին, և ոչ կարացին առնուլ զնա, զի ամրագոյն շինել էր զնա նրն Մարութայ քաղաք մարտիրոսաց, և յամ սրբոց ժողովել նշխարս և եղ նմա, և ամրագոյն պարսպեաց զնա, և անուանեաց զնա քղք մարտիրոսաց. որ մինչև ՚ի ժամանակ Տաթարիս՝ այլ ոք ոչ կարաց առնուլ զնա

առանց սիրոյ : Աւ ապա երկայնամիտ զօրք Տաթարին
 ՚ի հետոյ արկել լինչ ՚ի սովոյ կերան ամէնն զմիմեանս.
 և ասէին, թէ իշու գլուխ մի եղև ը դրամ, և այսպէս
 նեղութիւն ՚ի հետոյ արկել զերէմ կալան և զքաղաքն
 մարտիրոսաց. որ և հայոց զօրքն՝ որ կային ընդ Տա-
 թարին բազում նշխարս գտել ՚ի սրբոց՝ տարան աշխ-
 արհն իւրեանց : Իսկ մեծ իշխանն հայոց Թաղէաթինն
 անուն, յազգէն բազրատունեաց, ըմբռնել երէց մի ասու-
 ըրի և ՚ի խոստ ածելն եգիտ զաջ սրբոց առաքելոյն Տար-
 գողիմէոսի. և տարել մեծաւ ուրախութիւն յաշխարհն
 իւրեանց յարեւելք, և եղ ՚ի վանս իւր : Աւ յետոյ
 հարկել ՚ի մեծ իշխանէն Արծրունեաց՝ որ ասի Սա-
 դուն անուն՝ ետ նմա. և առել Սադունն տէրըն Հաղ-
 բատայ՝ մեծ և հռչակաւոր սրբոց ուխտին, եղ զնք
 աջն Տարգողիմէոսի առաքելոյն ՚ի նք ուխտն Հաղբատ,
 և է անդ ստուգապէս : Իսկ է զանի որդիքն, որ եկին
 և առին զՊաղտատ քաղաք, և լցան բազում զանձիւք
 ոսկով և մարգարտով, ոչ հնազանդէին միմեանց, այլ
 կայր ամ գլխաւոր իւր սրովն՝ մեծ, և անասի աւիրէին և
 կոխէին զաշխարհն արեւելոց : Իսկ մեծ իշխանն և
 անուանի ՚ի նոցանէ, որոյ անունն էր Հօլաու. և էր
 սա եղբայր Մանկուղանին՝ ուն յառաջագոյն ասացաւ :
 Սա յուղարկեց առ Մանկուղան եղբայրն իւր, ՚ի բուն
 արեւելք, և այսպէս պատուիրեաց զնացելոցն՝ թէ մեք
 եկաք այս է դումանայ գլուխքս այ և ձեր ուժով. և

զհին հեծելն՝ զէնձաւէն հանաք աստի. և գնացաք առ-
 աք զտաճկաց քաղաքն զՊաղտատ, և շատ իրօք դար-
 ձաք այ և ձեր ուժով. հիմայ ինչ հրամայէք մեզ. թէ
 այս ցեղ անասի և անգլուխ կենանք՝ այս աշխարհըս
 աւիրի ու Չանկղ զանին հրամանքն չլինի. զի նա հրա-
 մայեաց զմեր հնազանտել և զմեր սիրով կալել աշխ-
 արհն շինել և ոչ աւերել. և այլ հրամանքն առ ձեզ
 է. զինչ մեզ հրամայէք, մեք զայն առնենք. և այսպիսի
 խօսք զնացին եւլէն առ Մանկուղանն ՚ի Հօլաւէն :
 Աւ յորժամ հասին ՚ի տեղ եւլէն, և էհարց Մանկու-
 զանն զեղբօրէն, նոքա ասացին զհրամայելնն ՚ի Հօլաւ-
 էն : Իբրև լուաւ զասացելն Մանկուղանն ապա հրամա-
 յեաց իւրոց արդարացի ՚ի զատաւորացն, թէ գնացէք և
 դրէք զՀօլաւունն զեղբայրն իմ՝ զան յերկիրն յայն,
 և որ ոչ հնազանդի նմա՝ զայն յասուցէք մեր
 հրամանաւ : Իսկ եկել արդարացի հրամանաւ Մանկու-
 զանին, արարին մեծ խոտորան, և կոչեցին զամէն
 զլխաւորսն՝ որ եկել էին զին Հօլաւուն. կոչեցին
զվրաց Թագաւորն իւր հեծելովն, և եղին բանս ծա-
 ծուկս ՚ի լսելիս նոյ. և ՚ի վր այսորիկ կոչեցին արդարացի
 Մանկուղանին մեծ եւլէն զղանիորդիքն՝ զՏալախէն
 զՏօրա զանն, զԹեկուղարն, զՄիղանն, որ էր որդի
 Խուլին : Աւ իբրև ամէնն ՚ի միասին ժողովեցան՝ յայնժամ
 ասացին արդարացի զհրամայելնն ՚ի Մանկուղանէն : Իսկ
 իբրև լուան զանի որդիքն՝ թէ Հօլաւին կամի զան

Արդարացի
 - գնաց

նստել: բարկացան չորսն և ոչ կամեցան հնազանդել
 Հուլաւոյն. իսկ Թաւուզարն և Բօրաղանն հնազանդե-
 ցան Հոյլաւունին. և Բալախայն և Տութարն և Ղատա-
 ղանն և Միղան՝ ոչ հնազանդեցան: Իբրև զիտացին
 յարդաւնս՝ Մանկուղանին, թէ այս չորս չեն հնազան-
 դելոց, այլ կամին կուռել ընդ Հուլաւունին, ապա
 հրամայեցին՝ զԲալախէն և զՏութարն, և զՂատաղանն
 յառաջ հասցնել քի աղեղանն լարով խեղդել, զի նոյ
 օրէնք է՝ զիսանն այնպէս սպանանել: Իսկ Մեղանն, որ
 էր որդի Խուլին, և էր տիօք տղայ, զնա կալան և եղին
 ՚ի բանդի ՚ի մեջ աղի ծովուն, որ կայ ՚ի հեր և ՚ի զարաւ-
 անդ գաւառի. և զարձեւ զհրամայեցին յարդաւնս՝ Ման-
 կուղանին հայոց և վրաց զօրացն, նոյն և Հուլաւու-
 նին զօրացն, զնալ ՚ի վր զօրաց նոյն և յանխնայ կոտորել
 զնս, զոր և արարին իսկ: Աւ այնչափ կոտորեցին մինչ
 զի նեխեցաւ լեռոն և գաշա ՚ի կոտորել մարմնոց Տա-
 թարին: Իսկ ք զլիսաւոր, միոյն Կուխաբուն անուն,
 և միւսոյն Արաղամուր, յառաջագետ եղեն, և առին
 բժան հեծել և բազում գանձս և ոսկիս և աղէկ ձի՝ որ-
 չափ կարացին, և փախեան և զնացին անցան ընդ մեծ
 դետ՝ որ ասի Կուր, և մինչ ՚ի յերկիրն իւրեանց, ու-
 ստի եկել էին, այլ ոչ դադարեցան. և յերկրէն իւրե-
 անց զՆերքէն օգնական կալան իւրեանց, որ էր եղբայր
Սային զանին, և բազում ոճիոս գործեցին զամս Ժ:
 Իսկ յարդաւնս՝ Մանկուղանին՝ որ եկել էին մեծ ասու-

խով՝ եղին զՀուլաւունն զան մեծ պատուով: Աւ եղև
 խաղաղութի առ ժամանակ մի. զի էր Հուլաւունն
 զանն յոյժ բարի, սիրող քրիստոնէից և եկեղեցոյ և
 քհնյոց. նոյնպս և օրհնել կինն իւր Տաւուս խա-
 թունն, զի յամի բարի էր և ողորմած առ աղքատ և
 կարօտեալ և յոյժ սիրող ամ քրիստոնէից՝ հայոց և
 ասորոց, մինչդի վրանէ եկեղեցի և ժամահար շրջեցու-
 ցանէր ընդ ինքեան, և բազում քահանայս հայ և աս-
 որի: Իսկ լուել զայս բարեպաշտ թիւրն հայոց Հեթում,
 թէ Հուլաւունն զան նստաւ և այնպէս բարեսէր է և
 քրիստոնէայտէր, ապա և ինքն հայոց թաղաւորն զնաց
 յարևելք բազում ընծայիւք, և ետես զՀուլաւունն
 զանն, և տեսել զանն զհայոց թիւրն յոյժ սիրեաց և
 պատուեաց զնա, և կրկին աղատութի գրեաց թագա-
 ւորութե նր, ևս առաւել եկեղեցեաց և եկեղեցականաց,
 և ամ քրիստոնէից երկրիս. և այսպիսի պատուով և
 մեծաւ հարկօք առաքեաց զթագաւորն հայոց յաշխ-
 արհն իւր: Այլ և բիւթ թիւրք և սուլտանք եկին նմա
 ՚ի հնազանդութի բազում ընծայիւք, և մեծացաւ Հու-
 լաւունն զանն, և հարստացաւ այնքան, որ ոչ զոյր թիւ-
 հեծելոց և զօրաց նոյն. նոյնպս և ամ իրօք, զի պատու-
 ախան ակն և մարգարիտն իբրև զաւազ ծովու էր առա-
 ջի նր. թող զայլ ցեղ մեծութի և զբազմութի ոսկոյ և
 արծաթոյ, և ձիոց, և հօտից, որոց ոչ զոյր չափ և թիւ:
 Իբրև զիտաց Հուլաւունն զանն թէ ետ նմա ամ զանու-

թի՛ն և մեծութի՛ն և բազմութի՛ն զօրաց և հեծեւոց և զամբն ընչից, յայնժամ հրամայեաց զարպաս շինել իւր մեծածախօք ՚ի դառն դաշտին, զոր կոչեցին իւր ինքեան զանուն տեղոյն Ալատազ, որ էր զառաջն տեղին այն նստոց ամարան մեծ թիւրցն հայոց քի՛ Արշակունեացն: Աւ էր ինքն Հուլաւու զանն մեծախելք, մեծա միտ դատաւոր, ամենեկն գիտուն, և յոյժ արենհեղբայր զչարսն և զթշնամիսն սպանանէր, և ոչ զբարիսն և զբարեսէրսն: Սիրէր առաւել զազգ քրիստոնէից քան զայլազգեաց: Աւ այնչափ սիրեաց զքրիստոնեայսն՝ որ զմի տարեան հարկն խոզ էառ ՚ի հայոց հոռն ճաշ ճոռ, և յամէն տաճիկ քաղաք բո՛ խոզ առաքեաց և հրամայեաց դնել տաճիկ խոզարածս, և յամէն շաբաթ զիր մի սապոնով լուանալ, և զատ ՚ի յարօտոյն ամէն վաղ և երեկոյ տալ նուշ և ամրաւ խոզիցն ուտելոյ, և տաճիկ մարդ եթէ մեծ և եթէ փոքր, որ ոչ ուտէր միս խոզի՛ գլուխն կտրուիր, և այսպէս պատուէր զտաճկունք, և այս եղև ՚ի խրատուէ զօրացն հայոց և վրաց, զի յոյժ սիրէր Հուլաւու զանն զզօրքն հայոց և վրաց, վասն կարի քաջութե՛ն իւրեաց, զոր առնէին առաջի նի՛ յամ պատերազմունս: Այն որոյ քահանայն անուանեաց զնն, զի զգեղեցիկ և զերիտասարդ որդիս մեծ իշխանացն հայոց և վրաց ընդրեաց և կացոյց զռնապանս իւր, և անուանեաց զնն «Եղիշէն», որ են զռնապանք սրով և աղեղամբ: Սկսաւ և զաւեր տեղիսն

շինել, և յամէն շէն գեղէ ^{Բիւստուր} հանէին, և ՚ի փոքրէն՝ մէկ, ՚ի մեծէն՝ երկու կմ ք. և անուանեաց զնն Խաճ, և առաքէր զնն ամէն աւեր տեղիսն առնել շինութի՛ն, և ամենեկն հարկ ոչ տալ, բայց միայն հաց և թանճանապարհօրդ Տաթարի: Այսպիսի կարգք հաստատեաց զիւր զանութե՛ն արժուն, և ինքն նստաւ յուտել և յըմպել բազում ուրախութե՛ն: Բնդ աւուրս ընդ այսոսիկ եկն այր մի ՚ի Մանկուղանէն, մուրալ ազագաւ և էր այրն այն յոյժ ահագին տեսողացն. երկայն հասակաւ, թիկնեղ, շինքն զերդ զգումիշու, ձեռներն անձոռնի իբրև զարջու, և ամէն օրէն ուտէր ոչխար մի, և ունէր ՚ի Մանկուղանէն ՚ի հետ զիր և անգին կապայ մի, և գրեւ էր ՚ի գիրն այսպէս. «այս անուն քահանայ երեկ առ իմ եղբայր Հուլաւու զանդ. թէ լինի ոք քահանայ որ զգա ձգէ, զայդ կապէտ նմա հազո՛, ապա թէ իմ բաւգէդ զքոյնն ձգէ, յայնժամ զկապէդ դմա հազո՛ և մեծ եւէ՛ր յիս յղարկէ»: Յայնժամ կոչեաց Հուլաւու զանն զամբ գլխաւորս զօրաց իւրոց և հրամայեաց՝ թէ զիտէք մարդ Տաթար կմ հայ կմ վրացի՛ որ զգա ձգէ, և որոնեցին, և Տաթար ոչ գտին. զի ով տեսանէր զայրն զայն, ամէնն վախէին յահագին հասակէն և ՚ի տեսոյ նորայ: Իսկ հայոց և վրաց իշխանքն ասացին՝ թէ մեք գիտեմք մարդ, որ միթէ ՚ի նմանէ լինի ճար, և հրամայեաց զանն փութով բերել, և ասացին՝ թէ չէ ՚ի տեղս, այլ կայ ՚ի տուն իւր, և հրամայեաց

գույշ

առ ժամայն ելչեալ շուտով հասուցանել, բայց ոչ ձիով
 այլ սայլով: Աւ էր այրն այն, ցոր ասացին հայոց և
 վրաց իշխանքն՝ յազգէն ՚ի բարձր Արծրունեաց, թոռն
 ամիր Քրդին, Սաղուն անուն: Աւ երկայն և վայելուչ
 հասակաւ, յոյժ ուժեղ ՚ի մանկութե, և փորձ և կիրթ
 ՚ի գործն յայն, բայց առաջի զանին այլ չէր բռնել
 մարդ: Յայնժամ իբրև զնացին ելչեալ և ասացին զհրա-
 մանքն զանին՝ տրամեցաւ սա դառն, մի՛ զի առաջի խա-
 նին՝ այլ ոչ էր բռնել մարդ, և մի՛ այս որ ահագին և ուժով
 լսեաց զհաշուակիցն իւր: Աւ ապա յանձնեաց զինքն
 վանորէիցն աղօթել վն նր. և ինքն երթել ՚ի Պազ առ
 ատենահաս նբ Սարգիսն, զոր օրհնեաց երանելի և նբ
 վարդապետն Մեսրոպ, և արարել անդ ուխտ և մատաղ
 սրբոյ նըշանին, և ապա առել զեկեղն գնաց առ Հու-
 լաու զանն: Իսկ յորժամ ետես Ղուլաու զանն զՍա-
 զունն և զկորովի և զերկայն հասակ նր, յոյժ ուրախա-
 ցաւ, և հրամայեաց ինն օր ք Քրդայն կալ ՚ի միասին.
 և ամէն օրէն ուտեցոյց ոչխար մի և տիկ մի զինի. և
 յորժամ վճարեցաւ ինն օրն այն, ապա հրամայեաց ժո-
 ղովել ամ գլխաւորացն առաջի իւր, և կոչել զերկու
 Քրդայն, հրամայեաց բռնել զմիմեանս. և յորժմ ըմբ-
 ոնեցին զմիմեանս՝ էր աւուրն երեք ժամ, և երեք ժամ
 աւուրն մինչև ցվեց ժամն զիրեար կային առել երկուան,
 և ոչ կարէին մէկ մէկի յաղթել. և ապա Սաղունն զօ-
 րացել անուամբն նոյ յանկարծակի ուժգին բախմամբ

3

զգետնեաց զՔրդայն Սանկուզանին, առաջին Հօլաուզա-
 նին, և մեծացաւ Սաղունն առաջի զանին. և նման նմա
 ոչ գտաւ ամ երկիր հարկօք և մեծութե և ուժով ՚ի
 ժամանակս Տաթարին, և հրամայեաց Հուլաուզանն
 գրել Քրդայն, թողուլ նմա մինչ ՚ի յինն կրտսն: Աւ զինի
 պտորիկ հրամայեաց զանն զօրացն ժողովել ՚ի Ժ էն
 երկուքն, և եղ նոյ գլխաւոր զՔրթբուզէն, և յուղար-
 կեաց զնս ՚ի վր Հալայ և Ղաշխայ և ընդ երթալն
 առին զՀալայ, և անխնայ կոտորեցին և զերեցին և
 լցան բազում զանձիւք, և ինքն Հուլաուզանն զաղտ
 գնացել զինի հեծելին. և յորժամ գիտացին զամասկա-
 ցիքն թէ առին զՀալայ, ապա ինքեանք իւրեանց
 կամաւ տուին զքաղաքն և զբանալի քաղաքին՝ ՚ի ձեռս
 Հուլաուզանին: Իսկ Աղմ քաղաքն և նբ զերեզմանն
 քսի նոյ մերոյ կայր ՚ի ձեռս տաճկացն ՚ի Սալահատին
 սուլթանէն ՚ի վեր. զայս լուել Հուլաու զանին՝ գնաց
 ՚ի վր Աղմ քաղաքին. և էառ զնա, և ինքն մտաւ ՚ի
 նբ յարութին և երկիր եպագ սրբոյ զերեզմանին. և
 թողել զօրքն ՚ի տեղն և ինքն զարձաւ խաղաղութե
 յաշխարհն արևելից: Իսկ Քրթբուզայն, որ էր գլխաւոր
 զօրացն Տաթարին, հպարտացել անցեաւ ք զեղմ ՚ի
 վայր Ժ աւուր ճանապարհ. իսկ շուն և անիրաւ Սար-
 ցին գիտացել զանպտորաստ կենալ զօրացն Տաթարին,
 ապա զօրաժողով լեալ անթիւ բազմութե եկն ՚ի վր
 Տաթարին և զբազումն կոտորեաց ՚ի նոցանէ և զբազումն

Տոմ
9 4044

փախստական արար, և զբազումս զերեսաց, և դարձեւ է
էառ զԱլլմ, զՀալբ, և զՄարշիս. և այս եղև օգնութի
Քրանք հեծելոյն. զի դէռ չէին սէր ընդ Տաթարին.
և այս այսպէս գործեցաւ: Իսկ ընդ աւուրս ընդ այսու
սիկ երևեցաւ աստղ մի վարսաւոր, և ծագեաց նա յա
ռաջ ընդ առաւօտն յաւուր շաբաթու ՚ի տօնի տապա
նակին և օր ը օրէ աճէր վարս և շառաւեղ աստղին, զի
յառաջագոյն ընդ առաւօտն ծագեաց, և ապա փոքր
յամելով անկաւ ՚ի ճաշոյ ժամն և անդ ծագէր. և այս
պէս զօրն յետ ձգելով հասաւ յերեկոյն և ՚ի ամ ան
ժամու աւուրն ծագէր և շառաւեղք վարսին հասանէր
յարևելից մինչև ՚ի մէջ երկրիս, և այնչափ շատացաւ
շառաւեղք վարսին՝ մինչ զի յոյժ ահագին երևէր ամ
յաշխարհիս. վն զի ո՛չ էին տեսել այսպիսի զարմանալի
նշան ՚ի վր՛ երկրի. և այսպէս յաւելով ՚ի շառաւեղան
լայն և ընդարձակ եկաց մինչև ՚ի մուտս ձմերան ամսոյն.
և ապն նոյ աճեացն՝ նոյնպէս սակաւ սակաւ պակասէր
օր ըստ օրէ մինչև ամենեկին հատաւ շառաւեղք վարսին
և այլ ո՛չ երևիւր:

Իսկ Հուլաու զանն յորժամ ետես, իմացաւ առ
ժամոյն թէ վն իմ ծագեաց աստղս այս, և անկեւ ՚ի վր՛
երեսաց իւրոյ՝ երկիր եպագ նոյ. վն զի յոյժ վախեցաւ
յորժամ սկսաւ սրկասիլ աստղին շառաւեղքն: Առ ամ
երկիր իմացաւ զայս՝ որչափ Հուլաու զանին զնաց և
երկիր կալաւ, այնչափ երկայնացաւ շառաւեղք աստե.

զին, և ապա դարձեւ պակասեաց. զի տարի մի այլ ապ
րեցաւ Հուլաու զանն՝ և ապա պակասեաց յաշխա
րհէս թողել յետ իւր ը որդի: Պարձեւ և ՚ի նոյն ամին
յորում մեռաւ Հուլաուն զանն, մեռաւ և բարի կին
նորա Տալուս խաթունն, և յոյժ տրամութի եղև ամ
քրիտոնէից մահ նոյ: Յաւուրս յայտուիկ փոխեցաւ
մահուամբ ՚ի քն թիրահայրն հայոց Պարոն Աոստըն
զինն, ալևորեւ և լի աւուրքք, և եթող սուք մեծ բա
րեպեպաշտ թիրին Հեթմոյ և այլ ամ որդոյն և աշ
խարհիս հայոց, վն զի պարոն Աոստընդին էր պատճառ
շինութե՛ աշխարհիս հայոց և հաստատութի թիրութե՛
որդոյ իւր Հեթմոյ, վն որոյ կանգնեւ թասպակ թիրն
Հեթում, և մեծաւ պատուով թաղեաց զպարոն հայրն
իւր. որոյ քն ամ փառաւորեսցէ զհոգիս նր՛, և սրբոց
իշխանացն մասնակից արացէ յիւր արքայութի: Իսկ
զկնի Հուլաուն մահուանն, յետ ամի միոյ, արարին
մեծ խոստովայ, և եղին զԱբաղանն զան, զաւագ որդի
Հուլաունին. և էր Աբաղանն բարի տեսլեամբ և զե
ղեցիկ հասակաւ ՚ի մէջ ը եղբարց իւրոց, և յաւուրս
զանութե նր էր առատութի ամ իրաց ընդ ամ երկիր:
Իսկ ընդ աւուրս ընդ այնուիկ փոխեցաւ ՚ի քն նք և
ամբիժ հայրապետն Հայոց ար Աոստանդինն բարի անու
ամբ և կատարել ծերութե, որոյ աղօթիւք նր տացէ
քն խաղաղութի երկրպագւաց անուան իւրոյ, և զբա
րեսէր հոգի նր և զսիրոյ ուղղափառութե հաւատոյ և

անկարգաց եկեղեցւոյ իւր սրբոց հայրապետացն պա-
 կակից արասցէ՛, լսելով զձայնն որ ասէ՛ բարի ծառայ և
 հաւատարիմ, եկ մնաւ յուրախութիւն ան քո ՚ի կեանսն
 յաւիտենից: Իսկ բան իմաստնոյն աստ կատարեցաւ,
 որ ասէ. ՚ի պակասել բարեացն և բարերարացն առաւել-
 լուն ուխք չարութե՛, նպ և առ մեզ կատարեցաւ. զի
 անօրէն և կատաղի սուլտանն Մսրայ եկն բազում զօ-
 րօք ՚ի Ղամշիս, և անտի յղարկեւ զեսպանս առ Թիւրն
 հայոց վն սնտի ինչ, զի խնդրէր ՚ի Թիւրէն. և Թիւրն
 հայոց ո՛չ տայր, այլ պատուիրէր բանս նախատանայ՝
 շուն և ծառայ ասելով նմա, այսպիսի պատճառաւ. յոր-
 ժամ տաթարն զՂաղտատ էառ, յայնժամն էին երկու
 ծառայք սուլտանին Մսրայա ՚ի Պաղտատ, միոյն անուն
 Ֆնտուխտար, և միոյն՝ Սղուր: Իսկ յորժամ իմացան
 եթէ էառ տաթարն զՊաղտատ, առեւ երկու ձի փա-
 խեան, զէմ եղեւ զնալ ՚ի Մսր: Իսկ Տաթարն, տեսեւ
 զՔախուստն նոյ՛, զնացին ՚ի վր՛ նոյ՛ ձիաթողք. իսկ
 Ֆնտուխտարն էր մօրուօք, և ունէր ^{սէշն} ձի և Սղու-
 ւրն էր տղայ, և ձին աղէկ. երբ իմացան թէ հասնիլ
 կամի Տաթարն և զերկուսն ըմպոնել Սղուրն իջեւ ՚ի
 տաճիկ ձիոյն ետ ՚ի Ֆնտուխտարն, և ինքն ելաւ ՚ի վատ
 ձին. և ասաց Ֆնտուխտարին՝ «թէ դու ել ՚ի յաղէկ
 ձիդ և փախիր՛. ես տղայ եմ. թէ զիս բըռնեն սպանեն
 ոչ այլ տանին ծառայ. յայնժամ զինչ ՚ի քեզ ձար լինի՛
 զիս զնէ՛», և առ ժամայն հասան տաթարնին և ըմբ-

նեցին զՍղուրն և տարան ծառայ, և զՖնտուխտարն ո՛չ
 կարացին ըմբոնել զի ձին աղնիւ էր. փախեաւ և զնաց
 ՚ի Մսր, և ՚ի զնալն նո՛ ՚ի Մսր, մեռաւ սուլտանն
 Մսրայ, և եղին զՖնտուխտարն սուլտան Մսրայ:
 Օչայս լուեւ հայոց Թագաւորին, շուն և ծառայ ասէր
 նմա, և ո՛չ առնէր սէր, այլ կայր ընդդէմ նմա անսէր
 և անհնազանդ, գիտելով զպարոն հայրն իւր կենդանի,
 և կմ զիւր իշխանսն միամիտ: Եւ գիտացեւ սուլտանն
 զմիտս Թիւրին հայոց, յուղարկեաց բազում հեծելս ՚ի
 վր՛ աշխարհիս հայոց ընդ ձանապարհն Մառոյ, և
 ինքն զնաց նստաւ ՚ի խարխէ, և պատուիրեաց զօրացն
 թէ կարեն մտել յերկիրն յանխնայ կոտորել զքրիստո-
 նեայն և քակել զեկեղեցիան և այրել զշինութիւն քա-
 ղաքաց և գեղից և կալ յերկիրս զաւուրս եժան և
 գերել զկանայս և զտղայս քրիստոնէից, զոր և արարին
 իսկ: Իսկ Թագաւորն հայոց իբրև գիտաց զգալ Թուր-
 քին ՚ի վր՛ երկրի իւրոյ. յայնժամ ժողովեաց զօրս
 իւր և ետ ՚ի ձեռս իւր Թագաժառանգ որդոց իւրոց
 պարոն Ղևոնի և Թորոսին. և ինքն զնաց սակաւ մի
 զօրօք առ տաթարն, որ կայր իջեւ ՚ի մջ Աբլտանին
 և կոկոսնոց. և անդ յամեալ աւուրս ինչ՝ ո՛չ գիտելով
 զերկպառակութիւն զօրաց իւրոց. և մինչ հոգաց առ
 զլխաւորս Տաթարին գալ և օղնել զօրաց նորա և ինքն
 երեկ ի աւուրբ յառաջ, ապա լսեաց զգալն Թուրքին
 և զբեկումն զօրացն երկմտից, որ ետուն զԹագաժա-

ռանգ որդիան իւր ՚ի ձեռս անօրէն գայլոցն, և ինքեանք
 փախեան յամուրս իւրեանց. զի զգեղեցիկ որդի թա-
 գաւորին զպարոն թորոս պատերազմին սրախողխող
 արարին յիւրում երիւարին, և զպարոն՝ և տն ըմբռնեալ
 բազում զօրօք թուրքացն և տարան ծառայ ՚ի Մսրբ.
 և զայս լուեչ մեծախելք թագաւորն՝ Հեթում՝ բեկաւ
 սիրտն ՚ի կարի և յանհնարին տրտմութի, որ յանկար-
 ծահաս զիպեցաւ և ոչ կարէր կանգնել զսիրտ իւր,
 մինչ եկն ՚ի նք և ՚ի գերահռչակ ուխտն միանձանց ՚ի
 Մկանց անապատն. և աստ միսթարեչ սակաւ հեղէն
 եղբարց նք ուխտիս կեցեչ աւուրս ինչ մինչ ելաւ թուր-
 քըն յերկրէս. զի անօրէն զօրք թուրքին զամէն պա-
 տուիրեչնն ՚ի սուլտանէն արարին. և զՍիս քաղաքն
 այրեցին՝ որ էր նստոց թագաւորին հայոց. և զգովելի
 մեծ եկեղեցին՝ որ ՚ի մէջ ուրոյն փայտ ձգեչ այրեցին, և
 զշիրիմս թագաւորաց քակեցին. և զբազումս կոտորե-
 ցին ՚ի քրիստոնէից և զբազումս գերեցին ՚ի յերկրէն
 և ՚ի գեղորէիցն. և ապա յետ աւուրց ինչ զնաց զօրք
 թուրքին բազում գանձիւք և աւարաւ յաշխարհն
 իւրեանց, թողեչ զաշխարհս հայոց կիսաւէր: Իսկ որք
 առին զպարոն՝ և տն և գիտացին թէ ստոյգ որդին է
 թագաւորին, տարան ուրախութիւ առ սուլտանն. և
 տեսեչ սուլտանն ուրախացաւ, բայց ընդ պարոն թո-
 րոսի սպանումն յոյժ տրտմեցաւ. բարկացաւ սպանո-
 զացն, և սպանողքն ասացին թէ մեք ոչ գիտացաք թէ

որդի թագաւորի է. զի զբազումս սպան ՚ի մեզանէ, և
 զբազումս խոցեաց, ապա յետոյ մեք ջան ՚ի վի եղեալ՝
 սպանաք զնա: Յետ այսորիկ խօսեցաւ սուլտանն ընդ
 իւրեանի և ասէ. «քո հայրն ինձ ծառայ ասէր, և ոչ առնէր
 սէր. ծառայ այժմ ես եմ թէ դու:» Օայս և այլ բազում
 բանս խրոխտանօք խօսէր ընդ թիւորորդոցն. և ապա
 յետոյ յոյժ մեծարանօք պատուել և սիրեալ և ասա-
 ցեչ բանս միսթարականս չվախել ոչինչ, այլ կալ ուրա-
 խութիւ աւուրս ինչ, և ապա զարձուցանել զնա առ
 հայրն իւր՝ թագաւորն հայոց: Այս զայս ասացեչ Քնտու-
 խտար սուլտանին առաքեաց զպարոն՝ և տն ՚ի Մսրբ:
 Իսկ բարեպաշտ թիւորն Հեթում առ ոչինչ համարել
 զայս ամ անցս աղետից առ ժամանակ մի վն նենդարա-
 րու և երկմիտ իշխանացն, շահելով զբարս նոցա ուրա-
 խութիւ սրտի. առ իւր ունելով զայլ մանր ուստերս
 և զղստերսն՝ միսթարիւր ՚ի նոցանէ սուտ միսթարու-
 թիւ վն շահելոյ զբարս իշխանացն, և զիտենալոյ զխո-
 րամանդ միտս նց սիրով. զի որ գրէր գիր յիշխանացն
 վն պակասութե որդուցն և սեօք կապէր և առ թիւրն
 առաքէր. թիւրն գրէր պատասխան և կարմիր կապեչ
 ՚ի թուղթն այնպէս առաքէր, և զայս և ձեռքն միայն
 գծէին և շարժէին. բայց զսիրտն ինքն և ամ միայն
 գիտէին, թէ նպի կրակով լցեչ էր, զի ոչ տեսանէր
 գայնպիսի գեղեցկապատկեր և զծաղկալից որդիան իւր
 առաջի իւր, ոչ երեկոյ և ոչ ՚ի վաղիւն, և ոչ ՚ի ժամ

Ճաշոյն յուտել և յըմպել, և ընդ միտ ածել զանմխիթար աղէտս գեղեցիկ որդոցն՝ զԹորոսի գեղեցիկ պատկերն և զվայելուչ հասակն որ ՚ի սրոյ բաժանեցաւ յանողորմ և արեանարբու անօրինացն. նոյնպէս և զԱ և յոնի անկէ և անգոհիւ լինելն ՚ի մէջ այլազգացն ՚ի ծառայութիւն՝ զայս ամ զմտաւ ածել բարեպաշտ թգրն հայոց՝ այրէր անհնարին կրակով, և գալարէր աղիքն յաղագս սիրոյ որդոցն որ ոչ տեսանէր, և թաւալէր ընդ երկիր անմխիթար սգով. բայց գաղտ և ՚ի ծածուկ, զի մի գիտացին նախանձոտ և տիրասպան իշխանքն և ուրախացին ընդ տրամուծի թագաւորին, և այս գործեցաւ յաւուրս ամառնային եղանակին յետին ամսին ՚ի տօնի սրբոյ ամ ածնին, և թագաւորն Հեթում համբեր տուել կրակով լցել սրտին՝ եկաց մինչև ՚ի տօն սրբոյ առաքելոցն, ծածկելով զտրամուծի իւր յաներկեղ իշխանացն, և ապա հրամայեաց կոչել զամ իշխանսն՝ զոր ՚ի հեռի և զոր ՚ի մօտ, վն պատճառի ջուր օրհնելոյ ՚ի քաղաքն Մսիս, և ժողովեցան ամ իշխանքն՝ որք կային ընդ թգրուծը նորա ՚ի քաղաքն Մսիս, և յորժամ գիտաց թգրորն զգալուպտ ամ իշխանացն, ապա հրամայեաց գալ առաջի իւր և նստել, և յորժամ ամէնն եկին և նստան, հրամայեաց սպասաւորացն թգրորն, «Թէ այլ են պակաս՝ կոչեցէք», և նք ստացին, «նք թագաւոր՝ ամէնն այսն՝ որ քեզ առաջի կան», և թգրորն ստիպէր կոչել զպակաս իշխանսն և զպարոնայսն: Իսկ

սպասաւորք թգրին ոչ կարէին իմանալ զմիտ թգրին. ապա իշխանքն ասացին ցթգրուն, թէ՛ «զոր դուք հրամայելէք և կոչել՝ ամէնն աստ է, և չէ ոք պակաս»: Իսկ թագաւորին զայրագին սրտիւ հայեցել յայսկոյս և յայնկոյս և ապա հրամայեաց կիսաձայն և արտասուալից ասօք. «Թէ երբ ամէնն աստ են, ապա նւր են Ա և ոն և Թորոսն»: Յայնժամ սկսան իշխանքն անմխիթար և ծանր սղով ձեծել և վայ և եղուկ ասել, յիշելով զգեղեցիկ որդիք թգրորն իւրեանց, զմիւսն ՚ի ծառայութի ՚ի մէջ այլազգեաց, և զմիւսն սրախողխող եղել ՚ի ձեռաց անօրինաց, և այսպիսի աղիողորմ արտասօք լային, և ոչ միայն իշխանքն, այլ քչնայք և վարդապետք եկեղեցոյ, յերգ արկել զողբն երեմիայ մարգարէին՝ որ ասէ. «Ո՞ տայր զգլուխս իմ շտեմարանս ջուրց, և զաչս իմ աղբիւրս արտասուացն, զի նստել լայի զբեկումն ժողովողեան իմոյ: Այլ այսպէս վարդապետքն և քահանայքն և իշխանքն լային, և ոչ ոք կայր ՚ի միջի նց՝ որ մխիթարէր զնս, այլ կային տարակուսել ՚ի ծանր սուղն բեկեալ սրտիւք: Իսկ մեծախելք և մեծահոգի թագաւորն Հեթում ինքն յինքեան կանդնեաց զբեկել և զտրամեալ սիրտն իւր, և ապա խօսեցաւ բանս մխիթարականս ՚ի սիրտս իշխանացն և քչնյիցն և վարդապետացն, այսպէս ասելով. «գիտէք ամեն իշխանքդ վրդպետքդ և քահանայքդ՝ որ վարդանանց պատերազմ վն քրիստոնէից եղև, այնչափ բազմութի հեծելոցն վն

Handwritten note: զոր

քրիստոնէից նահատակեցան և երկնաւոր պսակացն արժանի եղեն. նոյնպէս և որդիքն իմ, Թորոս վն քրիստոնէից պատերազմեցաւ և վն քրիստոնէից նահատակեցաւ և խառնեցաւ ՚ի գունդս սրբոց վարդանանցն, և նոցին պսակացն արժանի եղև. զնա այլ մի լայք, այլ երանեցէք զնա, զի սիրեաց զնա քս և իւր սրբոցն պսակացն արժանի արար, և զարիւն նի՛ ընդ արեան մարտիրոսացն խառնեաց ժառանգելով ընդ նս զերկնից արքայութիւն որ ՚ի քս յս: Իսկ Աւոն երէց որդին ՚ի Մսրը է ՚ի ծառայութի ՚ի մէջ այլազգեացն. ինձ լաւ է Աւոնի ծառայութի, և Թորոս իւր արեամբն ՚ի վերայ քրիստոնէից սպանած, քան ես այս ամէն երկիրս ձեր արեանդ և խղճիդ տիրացած. վն զի դուք ոչ գիտէիք թէ այս ցեղ չէր հանդիպել ինչ՝ կայր հայոց երկիրս առաջի: Օ այս և այլ բազում բանս մխիթարականս խօսեցաւ թիւրն և դադարեցոյց զիշխանս ՚ի լալոյ և ՚ի սոյո: Իսկ բարեմիտ և բարեկամ իշխանք թիւրին, նաև քչնյք և վարդապետք և եպիսկոպոսք, որ էին ժողովելէք առ թիւրն վն տօնի սրբոյ յայտնութե՛, մխիթարեցան ՚ի թիւրէն վն սոյո թագաւորորդեացն. նոյն և նք խօսեցան մխիթարական բանս բազումս, և կանգնեցին զսիրտ թագաւորին, և արարին զտօն սրբոյ յայտնութե՛ն ՚ի միասին ուրախութիւն, մխիթարելով զթիւրն: Իսկ թիւրն ոչ կարէր դադարեցուցանել զսիրտն ՚ի թառանջելոյ և յոգոյ հանելոյ վն Աւոնի որդոյ իւրոյ,

որ էր ՚ի Մսրը ծառայ, և ոչ գտանէր հնարս, թէ ուղի հնարիւք կարէ զերծուցանել զնա: Լաւ ապա դարձել կոչեաց զիշխանսն առաջի իւր թիւրն, և եհարց զնս, թէ որով հնարիւ կարէ հողալ վն ազատելոյ Աւոնի որդոյ իւրոյ: Իսկ իշխանքն յանգէտս եղել մեղադրեցին թիւրին և ասացին «Թէ շն ինչ գտանէ մեզ որ դու վն շն» զքո որդիքն կորուսեր, և զմեզ նի խղճին տիրացուցեր. այն լաւ չէր թէ այն լել, քան մեք ամէն ՚ի զրոյց և ծաղր եղաք: Իսկ թիւրն հրամայեաց իշխանացն լուել յանօգուտ խօսիցն, և լսել ՚ի նմանէ զոր ինչ պատուիրելէ էին նմա ՚ի ծածուկ հայոց իշխանքն՝ որ կային ՚ի դուռն Ապաղայ զանին. զի ընդ աւուրսն ընդ այնու սիկ էին տաճիկ ամիրայք հպցողք և Երեմէն զանին, բարեկամք Մսրոցն ՚ի ծածուկ, և չարակամ թիւրին հայոց և նմ քրիստոնէից. և տաճիկ ամիրայքն և հոգցողք զանին զրել էին առ սուլտանն Մսրայ ՚ի ծածուկ. «Թէ ջանացիր՝ որ սիրով մէկ գեող թախես ՚ի Հայոց թիւրէն, և այն նմա կորստեան և իւր երկրին հերիք է և բաւական. և մեք ասենք և հոգանք առ զանս՝ որ զհայոց թիւրդ իւր ամէն երկրովն աղի բունէ և հեծել յղարկէ և կոտորէ զամէնն»: Իսկ բարեպաշտ թիւրն հայոց զայդ նմ գիտացել էր յառաջագոյն, և լուել ՚ի ձեռն ծածուկ զրոյ հայոց իշխանացն՝ որ կան յարևելք և են բարեկամք և յոյժ սիրողք այս թիւրութես. զի գրել էին հայոց իշխանքն առ բարեպաշտ թիւրն Հե-

Թում բանս մխիթարականս վն որդոցն և վն երկրիս.
 և ՚ի վերջն զայս թէ „նլ նբ թգր, բան որ մեք ենք
 լեւ լաւ է քեզ այդ, որ քո մին որդին վն քրիստոնէից
 մեռաւ, և մինն ծառայ զնաց, և այս տաճիկ շներս
 յամօթ եղան, որ ՚ի յայս դուռս կան, քան թգրութիդ
 ամէնն անցած, և երկիրդ ընդ մին աւերած և քրիստո
 նեայքդ կոտորած: Վ ն զի այս տաճիկ շներս ամէն օր
 կու ասեն ը զանս, թէ հայոց թգրն ու Մսրայ սուլտանն
 մին են և մի խօսօք են. և մեք հայոց իշխանքս երգու
 ել ենք զանին առաջի՝ թէ տաճկանիդ սուտ են, մի՛
 աւտար դոցա: Աւ այժմ զայդ լեցին և յամօթ եղեն
 տաճկանիս, ու զանին սիրան լաւացաւ ՚ի հետ քեզ մի
 ահետ. ապա թէ լեւ էր որ խաբուել էիր, և լուր մին
 դարտակ տուն էիր տուել՝ թող թէ շէն, գեղդ նպ
 նա ուղէր. յայնժամն քո թգրութիդ ամէն անցել էր,
 և մեք յամօթ եղել: Իսկ յորժամ զայս ամ լեցին
 իշխանքն ՚ի թգրէն՝ հիացան ամէնն և մեղայ ասացին
 Թագաւորին վն ոչ գիտելոյ զայս ամ պատճառս բանիս,
 և ապա յետ այտորիկ հարցել խրատ ցիշխանսն թգրն
 հայոց առաքեաց զեսպանս առ սուլտանն Մսրայ իմա
 նալ վն որդոցն իւրոյ Աւոնի. թէ ինչ է կամքն սուլ
 տանին՝ ինչ սայ և զնէ զորդին: Իսկ սուլտանն Մսրայ
 Ֆրնտուխտարն, թէպէտ էր տաճիկ, բայց յոյժ ազէկա
 սիրտ էր և խոնարհամիտ. զի թգրորդին Աւոն խիստ
 ազէկ էր տուէր պահել կենօք և ամ իրօք. և յորժամ

լեաց զգեսպանացն զնալն ուրախացաւ և ասաց. „Թէ
 պիտի որ զԱւոն տանիք յիւր հայրն և յիւր թգրու
 թին. իմ սիրելի ընկեր կայ՝ առ Տաթարն ծառայ, ու
 ձեր ձեռօք ՚ի վեր ՚ի գալ՝ որ զնա ուղէք ՚ի Տաթարէն.
 ձեզ չի խնայեն, զնա բերէք. Սղուր է անունն, և
 զԱւոն տարէք: Օ այս լուել թգրն հայոց ՚ի գեսպա
 նացն, և խնոյն զուգեաց բազում գանձս և պատուական
 ինչս և զնաց յարևելք առ Աբաղայ զանն, և ասաց
 զամ գանգատս զինչ արար մնրցին ընդ նա և ընդ երկիրն
 իւր. ասաց և զխնդիրք սուլտանին վն Սղուր ծառային՝
 և ոչ կարաց թափել առ ժամայն. բայց եկն և առաքեաց
 զեղբօր որդին իւր, և ըստ աջողելոյն նպ զնաց և երեք
 զՍղուր ծառայն յերկիրս: Իսկ ընդ աւուրս ընդ այսու
 սիկ եկն սուլտանն Մսրայ ՚ի վր Անտաք քաղաքին և
 էառ զԱնտաք և քակեաց զնա ՚ի հիմանէ և յանխնայ
 կոտորեաց և գերեաց, որ ոչ պատմի զինչ արարին այլա
 զզիքն ընդ հաւատացելնն քսի: Աւ յորժամ առաքեաց
 թգրն առ սուլտանն թէ բերաք զՍղուրն, յոյժ ուրա
 խացել և բազում ընծայիւք առ ժամայն առաքեաց
 զԱւոն, և սքա զՍղուրն յղարկեցին բազում ընծայ
 իւք: Իսկ ՚ի գալն պարոն Աւոնի յոյժ ուրախութի
 եղև թգրին և իշխանացն աշխարհիս, նոյն և վանորա
 ցս և ամ քրիստոնէից՝ որ ընդ ամ երկիր: Իսկ ՚ի պա
 կասելն մահուամբ մեծ հայրապետին հայոց, զմի ամ
 առանց հայրապետի եկաց աշխարհս հայոց, զի թգրն

կայր ՚ի տրամուծի վն որդւոցն, և այլ ոք ոչ կարէր
 հողալ առանց թիւրին. և ապա հարկեւ թիւրն յիշխա-
 նացն և ՚ի վարդապետացն և յեպիսկոպոսացն, ասացին
 անպատեհ լինել զերկիրս հայոց առանց հօտապետի և
 կաթուղիկոսի, և թիւրն հարկեւ արար ժողով մեծ եպիս-
 կոպոսաց և քահանայից և վարդապետաց. և արար
 ընտրութի ՚ի մեջ նոյ, և եգիտ այր ըստ սրտի իւրոյ,
 յոյժ իմաստուն և առաքինի, հեղ և խոնարհ սրտիւ
 և կատարել վարդապետ, Յակոբ անուն, և ապա մեծաւ
 հանդիսիւ օրհնել ետ կաթուղիկոս, և նստոյց յաթոռ
 սրբոյն Պրիգորի լուսաւորչին, որոյ պահեսցէ զնա քս
 ան սքս և անարատս, անբիծ և ուղիղ հաւատով և
 ուղղափառ խոստովանութբ մինչև ՚ի խորին ծերութիւն
 հովուել զնոր ժողովուրդքս, զհաւատացելքս՝ սրբոյ
 երրորդութեն: Իսկ յորժամ եկն պարոն Ղևոն ազա-
 տել ՚ի ծառայութե, առժամայն ընդդէմ զնաց բարեպաշտ
 և օրհնել թագաւորն Հեթում: և զամ թագաւորութե
 իւրոյ զպարոնութի ետ ՚ի ձեռս որդոյն պարոն Ղևոնի,
 և ինքն միայնաւորել սիրէր զվանք և զանապատ. և
 յետ աւուրց ինչ յանկարծակի զիպեցաւ վէրք ինչ ՚ի
 մարմին նր, և յոյժ նեղէր զնա. և էր նա ՚ի պահս և
 յաղօթս հանապազ. մինչ զի առնել ետ զինքն կրօ-
 նաւոր, և Մակար անուանեցաւ. և յետ սակաւ աւուրց՝
 փոխեցաւ ՚ի Քն քնսպսակ և բարեպաշտ թագաւորն
 Հեթում, և թաղեցաւ մեծ պատուով ՚ի նր և ՚ի հռչաւ

կաւոր մենաստանին՝ որ կոչի Վրազարկ. որոյ ան ան
 փառաւորեսցէ զհոգի նր ընդ նրա թիւրացն և նոցին
 պսակացն՝ որք արժանի եղեն, ընդ նոսին փառօք փա-
 ռաւորեսցէ և երկնային օթեանացն, ուր սրբոցն կայ-
 անքն են՝ արժանացուցէ զհոգի նորա: Իսկ զկնի մա-
 հուան բարեպաշտ թագաւորին հայոց Հեթումյ մեռաւ
 և վրաց թագաւորն Վաւիթ. որ և կարծեմ թէ ՚ի միում
 ամեան զիպեցաւ մահ նոյ. զի էին ՚ի կենդանութե
 իւրեանց յոյժ սիրելիք և զովելիք ՚ի տես և ՚ի գեղե-
 ցիութի մարմնոյ. նոյն և առաջի երկնաւոր թագաւորին
 քսի այ մերոյ լինիցին:

Յետ այսորիկ յէ զանի որդեացն՝ որ յառաջագոյն
 գրեցաք զի զիսն սպանին, և քսն հնազանդեցան, և
 զմէկն ՚ի յաղի ծովն ՚ի բանդի գրին: Իսկ այսպէս ՚ի
 հնազանդելոցն թագաւոր անուն յոյժ շատացաւ հե-
 ծելով և գանձով և ոսկով և ամ ընչիւք, զի յ ուղտ և
 ճ և Ծ սայլ զգանձն և զմայն տանէին թող զընկս ձիոցն
 և զհօտիցն՝ որոյ թիւ ոչ գոյր. և էր թիւ հեծելոցն
 խոն անուանիք և յոյժ պատերազմողք և աներկեղք ամ
 տեղիս. զի զկարևան երկրին կոտորէին աւազակութբ
 պահելով ՚ի գիշերի զձանապարհս, և զամ ինչսն առ-
 նուին զկարևանին՝ որ գնային ՚ի քաղաքէ ՚ի քաղաք.
 նոյնպս և զփոքր գեղորայսն ՚ի գիշերի ձեծէին, և զամ
 ինչսն և զչորքոտանիսն տանէին, և զմարդիկն նետով
 անողորմ խոցէին. նոյնպս և երթային ՚ի վաներն և

զժամարար իրիցնին գլխիվայր կախէին, և աղ և ունջ
 խառնել ածէին ընդ քիթսն ժամարարացն, ասելով
 «բերէք գինի ծովին չափ, և միս սարին չափ». այլ և
 արարին ՚ի բազում տեղիս, զի զշանն ագին բռնել
 տային արեղայիցն բերանով ՚ի վաներն վն գինի չունելոյ
 ողորմելեացն, զի այս էր երդումն նոցա՝ կի՞մ տալ գինի
 ըմպելոյ և տանելոյ որչափ ուզէին, կի՞մ այսպէս ըմբ-
 ոնել զշանն ագին՝ ու՞ղ գրեցաք. և այսպէս կային յալե-
 կոծանք վաներն արևելից յանուսի գլխաւորէն. և զայս
 գիտացել իշխանացն հայոց և վրաց, գնացին միաբան
 առ Աբաղայ զանն, և ընկեցին զտուերս իւրեանց
 առաջի զանին, և ասացին. «կի՞մ զԹակուղարն տալ ՚ի
 ձեռս նյ իւր հեծելովն, կի՞մ զիւրեանցն կոտորել առաջի
 իւր, և ո՞չ տեսանել զայնպիսի նախատինան՝ որ առնէին
 առ եկեղեցիսն իւրեանց և առ եկեղեցականն». Նոյնպէս
 և այլ Տաթար զօրքն գանգատեցան ասել թէ «ի զու-
 րս զմեզ այլ կու ծեծեն զօրք Թակուղարին, և զմեր
 ձիանն առնուն»: Նոյնպէս և զանն գանգատեցաւ առա-
 ջի հայոց և վրաց իշխանացն, այլ և իւր Տաթար
 զլխաւորացն, և ասէ. «Թակուղարն մեծացաւ և հարս-
 տացաւ, և զմեզ չէ ՚ի մտել, և զմեր անուսի չէ ՚ի յա-
 ոնել, և կամի աւիրել զերկիրս իւր անուսի կալովն և
 իւր հեծելովն»: Ապա հրամայեաց Աբաղայ զանն Սի-
 րամունին, որ յառաջն գրեցաք՝ այն որ ոսկի սիւն
 անուանեցաւ, առնուլ ձն հեծելս Տաթար: Աւ ետ

զնշանն իւր զանն ՚ի ձեռն Սիրամունին, նոյնպէս հրա-
 մայեաց հայոց և վրաց զօրացն գնալ իւրեանց ամուսնով
 ՚ի վր թակուղարին և յանխնայ կոտորել զնա, և առ-
 նուլ զամ ինչս նր. և զինքն զԹակուղարն կենդանի
 տանել առ ինքն: Աւ զայս լուել հայոց և վրաց զօրացն
 յոյժ ուրախացան վն ազատելոյ զերկիրն իւրեանց ՚ի
 չարչարանաց Թակուղարին. ապա կազմեցին իւրեանց
 քաջապէս ՚ի զործ պատերազմի, նոյնպէս և Սիրամունն՝
 որդի Զօրմազանին՝ որ էր յոյժ սիրով քրիստոնէից,
 առել զնշան զանին ձն հեծելք, և յանկարծակի
 հասին ՚ի վերայ Թակուղարին, և յանխնայ կոտորեցին
 զհեծեալս նր, և առին զամ գանձս նր, և զինքն է՞ծ
 մարդով տարան առ զանն, և զանն տեսել ծաղր արար
 զնա. ետ նմա կին մի և զանակ մի՝ ծայրն կոտորած և
 թ մարդ պահապան, և յուղարկեաց զնա ՚ի մէջ աղի
 ծովուն, որ կայ ՚ի Հեր և ՚ի Օւարաւանդ գաւառի. և
 աստ կատարեցաւ մարգարէին, որ ասէ, մարդ ՚ի պա-
 տուի էր՝ և ո՞չ իմացաւ:

Իսկ պարոն Աւոն որդի հայոց Թագաւորին՝ գնաց
 առաջ Աբաղայ զանին և պատմեաց զմահ Թագաւորին:
 Աւ յոյժ սիրեցլ և պատուել եղև ՚ի զանէն, և առել
 հրաման վն Թագաւորելոյ իւր ՚ի տեղի հօր իւրոյ,
 ապա դարձաւ և եկն յերկիրս իւր, և արար ժողով
 մեծ իշխանաց, եպիսկոպոսաց, քահանայից, վարդա-
 պետաց ՚ի մեծ և ՚ի հոջակապ և ՚ի հռչակաւոր քա-

ղաքն Տարսուս: Կոչեաց և զմեծ եպիսկոպոսապետն
 հայոց՝ զմոր Յակոբ: Եւ ապա հրամայեաց ժողովել ՚ի
 մեծ և ՚ի փոքուսոր նր եկեղեցին ՚ի նր Սոփի, և առնել
 հսկումն և աղօթք և օրհնել զինքն թագաւոր: ուստի
 և կատարեցին իսկ, կամօք երկնաւոր թագաւորին քսի,
 օրհնեցին և օծին իւրովն սրբութե՛զ զթագաւոր որդին
 Աւոն՝ թագաւոր ՚ի վր՛ն ամ հայոց, և եղև ցնծութի՛ն և
 ուրախութի մեծ ամ աշխարհիս հայոց, և եղև նոր
 նորոգումն և նոր ուրախութի ազգին Ռուբինեաց:

Դ թվականին Հայոց չ և ի փոխեցան ՚ի քս փա-
 ուաւոր վարդապետքն հայոց Վարդան և Կիրակոս,
 որոյ նր աղօթքն նոցա ՚ի վր՛ն մեր և ամ աշխարհի:
 Իսկ ինքն արքայածին արքայն Աւոն էր յոյժ խորայի-
 մայ և իսելօք ՚ի մանկութե՛զ իւրմէ, և ճանաչէր զամ
 բարեկամն և զչարակամն իւր, բայց ոչ հանէր ՚ի լոյս,
 այլ կայր լռել մինչ կամէր ծնանել այն՝ որ յղացելն էր
 ցաւօք, վն զի ՚ի յիշխանաց թագաւորութե՛ն իւրոյ
 կային ոմանք, որ հոռում էին ազգաւ, և լցել էին մե-
 ծութի՛ն զանձու և ամ ստացուածօք, և յետ երկից ամաց
 թագաւորութե՛ն խորհեցան զհայոց թագաւորութի՛ն
 ջնջել և ինքեանք թագաւորել՝ պեղծ և ուրացող ազգն
 հոռումոց, սուտ քրիստոնեայքն, և ստոյգ քաղկեդո-
 նիկքն, զի եղել էին ՚ի մտի քակել զվանորայքս, և
 զհաւանեալսն ՚ի յաղանդս նյ պահել, և զօջ հաւանե-
 ալսն բառնալ ՚ի կենաց, և զի ոչ միայն ինքեանք էին՝

920
 271

որ առնէին զայս, այլ և խաբել էին ՚ի վարդապետաց
 և ՚ի քահանայից հայոց և յիշխանաց ոմանց երկմտաց,
 կալ ՚ի մի դաւանութի՛ն և միաբան նենդել հայոց: Այլ
 խնամք արարչին այ ոչ անտես արար զաղօթս ծառայից
 իւրոց, այլ պահեաց զարքայածին արքայն հայոց Աւոն
 իւր ամէն թագաւորութե՛ն հաստատուն և անփորձ ՚ի
 չարեացն, զոր խորհել էին, և ինքեանք որ զչարսն
 էին խորհեալ՝ անկան ՚ի գուրն զոր փորել էին, զի
 քսապսակ թագաւորն Աւոն իւրով իմաստութե՛ն բմբ-
 ունեաց ՚ի չարախորհուրդ մարդկացն, և եզիտ գրել
 գիր, զանուանս միաբանելոցն ՚ի չար խորհուրդն այն,
 զոր հայ և զոր հոռում, և առաքեաց զմիամիտ սպասաւ-
 որսն իւր՝ բմբոնեաց զնն, զոմն եսպան, զոմն եղ ՚ի
 բանդի անդերծանելի, զոմն տարաւ առ Աբաղայ զանն
 յարևելք, և անդ յաստիս հասուցին, և զայլ ամէն թշնա-
 միսն՝ ետուն ՚ի ձեռս նր, և հրամայեցին, թէպէտ՝
 պահել, թէպէտ՝ սպանանել: Եւ այսպէս զօրացել և
 յաղթող գտել ՚ի վր՛ն թշնամեաց իւրոց թագաւորն հայոց
 Աւոն, օգնութի՛ն երկնաւոր թագաւորին քսի, որոյ և
 աղօթք ամ սրբոց քս ամ՝ յաղթող պահեաց զթագաւ-
 որութի՛ն Աւոնի հայոց թագաւորին, բարի գաւաիօք
 իւրօք ՚ի վր՛ն ամ թշնամեաց իւրոց, և զկեանս նր տացէ
 եկեղեցւոյ իւրում քս ամ ընդ երկայն ժամանակս: Բնդ
 այս աւուրքս յայտնեցաւ պատուական և նր նշխարք
 Ներսէսին հայրապետին հայոց յիւրեան հանգստարա-

թէպէտ

նին, որոյ նք աղօթք նր՝ տացէ քս ան խաղաղութի՛ն
 ան աշխարհի, և նմա փառք յաւիտեանս ամէն: Կատա-
 րեցաւ պատմութի՛ն Տաթարիս գործելոց խի՛ ամաց, բայց
 համառօտ, և ոչ ամէնն:

—o-o-o—

ՅԱՒԵԼՈՒՄ

Յիշատակարան Պատմութեան Միքայէլի Ասորոյ:

Արդ ՚ի յամէլ ութերորդի քառասներորդի երկե-
 րիւրորդի հազարերորդի թուականութեանս անժամա-
 նակ որդւոյն նյ գալստեան: Աւ ՚ի ոչէ թուականութե-
 անս հայոց թարգմանեցաւ զիրքս այս յասորոց ՚ի հայս
 ՚ի հայրապետութեան ան Կոնստանդեայ. և ՚ի թագաւ-
 որութեան հայոց Հեթմոյ քրիստոսապսակի. և զզու-
 շակենցաղ թագուհոյն իւրոյ Օւսպելի, դստեր Աւոնի
 արքայի. ըստ նյ քաղաքավարելոյ հնգից ելոց նոցա
 զաւակաց ծիրանածնաց, երից դստերաց և երկուց ու-
 ստերաց, որոց անուանք են Աւոն և Թորոս, անուամբ
 հաւուն իւրեանց և հաւանոյն հարազատի, որոց հովանի
 լիցի ամենակալ բազուկն հայրենի ածելով ՚ի գահ հայ-
 րենի արքայութեանն եզերուք հայաստանեայցս: Յայսմ
 ամի կենդանի էր կորովամիտ և աջողեալն ՚ի բարիս
 արքայահայրն հայոց պարոն Կոնստանդին և բերկրեալ
 այլովք ուստերովք չորիւք. տր՛ Բարսեղ՝ տէրն Վրա-

1248

697

զարկին, և պարոն Սմբատ՝ ասպարապետն Հայոց, և պարոն Օշին՝ տէրն կռիկաւոյ, և պարոն Լեոն, որոց զօրանալ լինցի ընդ այլ և աճել արիութեամբ ըստ հոգոյ և ըստ մարմնոյ: Եւ է պատրիարգ ասորւոց ուղղափառաց՝ մօր Իգնատիէ անտիոքու, որ զօրինակս շնորհեաց: Եւ փոխեցաւ ՚ի ձեռն Իշօխայ սրբասնեալ քահանայի՝ վարժ եղելոյ ՚ի հանձար բժշկական արհեստի, որոց վարձատու լինցի տէր ՚ի շնորհս իւր: Եւ և մեք իսկ որ ըստ մերում կարի սատարեցաք ՚ի գիրքս այս, ունիմք հաւատ և յոյս ՚ի գիտութիւն այլ և յաղթս ՚ի բարեխօսութիւն ծառայից նորա, առ մեզ դարձուցանել զերեսս ողորմութեանն քրիստոսի ՚ի վերայ անկշռելի պարտուց իմոց անթուապատիկ բիւրուց տաղանտաց, քանզի այս ակնկալութեամբ ընդօստուցաք զմեզ մուսանալով զսննդակից և զընտանեցեալ մեր տկարութիւն մարմնոյ, և զբազմազան տրտմութիւն և զցնորս ոգոց խորհրդոց, վասն անշահաւոր տարաշրջութեանց: Եւ և յաղագս թշուառացուցիչ ժամանակիս զոր ածին չարիքն մեր յաճախեալ, քանզի սակաւութիւն զչափ մեղաց մերոց արբոյց մեզ տէր արտասուս, և նուազ քան զյորդաբուխ ակտիցն մերոց ջրհեղեղս, խաղացին առ մեզ վտակք արեան, և ըստ գազանական գնացիցն մերոց՝ յազեցան գազանք ՚ի մարմնոց մերոց: Քանզի շնչեաց բարկութիւն տն ճանձուն արևելեան հիւսիսայնոյ՝ օտար և անընդել ազգի, որպէս ասեն թորգոմագանք և ՚ի

զարմէն հազարու, և հողմով անօրէնութեան մերոյ ած զնա մինչև առ մեզ, ըստ նախատէս մարգարէութեանն նախնի սուրբ հօրն մերում Ներսէսի արտասուապատում ողբոցն, զոր լալով նախաձայնեաց զկորուստ հոգևոր երկանց իւրոց ծնողացս, զորս ինչ կրեցաքս յազգէն Նետողաց, զորոց զանուանս կոչէ սոսի և Լեւի, և զոր թերևս թաթարն սուր և թեթև ասի ըստ լծորդաց փոփոխման, և կամ սոսի և սոսի, որէ տաթար, քանզի հարին անհազապէս և տարան աներկիւղաբար զորդիսն սիոնի ՚ի ստրկութիւն զերութեան: Եւ ասէ զնոսս սուրբն Ներսէս ՚ի մնացորդացն հազարու: Եւ ասորիք ասեն զսոսս թորգոմեանս, յայտէ խառնեալ ազգին զովղայ որ ՚ի թորգոմայ ընդ զարմ հազարու որք ունին զսկիւթ ՚ի մասն աշխարհի, որ սկսանի յԱթլ գետոյ և ձգի առ եմաւոն լերամքն, ուր բնակեալ են ազգք խի, որք խժական անուամբ կոչին յիւրեանց լեզուս, և զխաւորն նոցա Կոշի, և անուն միոյ ազգին Կոշի, ասի, և որպէս լուաք յոմանց ՚ի նոցանէ՝ թէ ելին առաջինք նոցա ՚ի թուրքաստան աշխարհէ և մեկնեցան մինչև ՚ի կողմն արևելեան և գային աղբատութեամբ ՚ի զործս աւազակութեան և յափշտակութեան, և պաշտօն ոչ ունին, բայց ընդ արեգակն զարմանային, և ՚ի պատճառս հմայութեան ունէին պատկերս ինչ թաղեայ, զորս տակաւին կրեն ընդ ինքեանս: Եւ զինի ժամանակաց անցելոց ՚ի նոցանէ զգայուն ար-

անց եղեալ ՚ի թշուառական կենաց իւրեանց, կոչեցին զերկնաւորն աստուած, որ զամենայն ինչ արար, յօգնու թիւն անձանց: Աւ ուխտեցին նմա ուխտ և ելին ՚ի վերայ քաղաքի միոյ փոքու. յափշտակեցին զնա ՚ի տէրանցն և բնակեցան անդ. և յայնմանէ յոյժ առեալ տիրացան երկրին: Առջեցին և յերկրէն իւրեանց թիւ կուեն և զօրացան ՚ի վերայ պարսից և առին զիշխանու թիւն նոցա. ուսան և ՚ի մոզուց անտի զարուեստ կախարդութեան, և առեալ հրամանս ՚ի դիւաց անտի՝ եթէ տուեալ է նոցա զաշխարհս ամենայն, ելցեն վստահու թեամբ և ժառանգեսցեն զնա. և չէ ինչ զարմանք, զի Նաբուգոդոնոսոր արքայ բաբելացուց հմայիւք ել յՆիմ և մատնեաց տէր ՚ի ձեռս նորա: Աւ զկիւրոս պարսից արքայ օծեալ իւր կոչէր աստուած և հրաւիրէր ՚ի վերայ բաբելոնի. նախ ինքեանք իսկ խոստովանին զամենայն ինչ աստուծոյ առնել, և զինքեանս նորին հրամանաւ ասեն եկեալ: Արդ հաւատացեալ հրամանի իւրեանց երևմանն եղեն նոքա զբաժին ըստ ընտրութեան իւրեանց թագաւորին, զոր խաքանն կուչեն, որէ խանն: Մասն առաջին զնաց ՚ի կողմն հնդկաց, և մասն երկրորդ չոգաւ «ո» (առ?) անապատով հիւսիսոյ. և երրորդ բաժին ընդ մէջ պարսից աշխարհին եկն մինչև առ մեզ: Աւ ասէին թէ՛ զէին զլիսաւորք և մինն բարեբարու քան զերկուսն, զոր Չարմաղանն կոչէին, որք և զկնի բազում աշխարհաց աւերման և կոտորման

նստեալ ՚ի խորհուրդ զոր խորհուրդ կոչեն, և ասացեալ չարմաղանին թէ՛ բաւական է աւերս և կոտորուածս. յայտմ հետէ զհնազանդեալսն մի ջնջեսցուք իսպառ զի մի բարկացի աստուած: Իսկ թ զլիսաւորքն հակառակեալ ընդ նմա ասացին՝ թէ ոչ՛ է պարտ մեզ ապրեցուցանել և ոչ զքք, որով հետև աջողէ մեզ աստուած. և տրամուծեամբ ննջեցին զգիշերն զայն, և յայտմ զիշերի մեռան երկուքինն որք զանողորմութիւնն կամէին, և զարմացան զօրքն և հասուցին զբանն առ զանն: Աւ առաքեաց և հաստատեաց զկամս չարմաղանին օրինօք ՚ի հնազանդեալսն խնայել և զնել ՚ի ներքոյ հարկի և զնա միայն հաստատեաց ՚ի զլիսաւորութիւն, զի այնէ ասէ կամք այ. վսյւ և կան ՚ի նոյնս մինչև ցայսօր: Իսկ ժամանակ ելանելոյ նոցա ասէ մեծն Ներսէս՝ եթէ զկնի իմոյ վախճանի յորժամ անցանէ ՚ն ամ, սկսանի այս լինել: Աւ արդ ընտ վճռի սրբոյն ճճ ամ է զօրանալոյ նոցա և յաղթութեան. և յորմէ հետէ մտեալ յարևելան աշխարհն հայոց՝ ի ը ամ է. և զոր ինչ զործեաց ապականութիւն երկրին և տապալումն քաղաքաց և աւեր եկեղեցեաց և մահս ազգիս ազգիս և գերութիւնս. և թէ որպէս յետ այնորիկ հաշտեցան ընդ մնացորդս ՚ի ձեռն իշխանաց աշխարհին, և արարին խնամութիւնս և մնացեալ եկեղեցեացն և եկեղեցականացն զիւրութիւնս և ազատ կամք կալ ՚ի կրօնս իւրեանց: Սակայն անլրապէս պահանջումն հարկ ճշտիւ

և անխնայապէս բոս գլխոյ արանց և անասնոց, բաց ՚ի մանկանց եկեղեցոյ, և ամենայնի որք զձև աղօթական կարգի ունիցին՝ զպայտօսիկ զամենայնսն զրեալ է լիով ՚ի տեղիս տեղիս. և մեք մի շփոթեցուք զոճ շարագրացն կարգի, որ յատուկ խնդրէ հատուածս և պարապումն ժամանակաց և հաստատութիւն ՚ի տեսիլ աչաց գործեցելոց: Սակայն զյոլովս տեսաք աչօք մերովք ՚ի նախաձայնեալ աղէտից սուրբ նահատակին Ներսէսի՝ զեկեղեցիս մեր նսեմացեալ զսեղան սուրբ կործանեալ զմատեանս աստուածային պրեցեալ և առ սոսն կոխեալ զպատան և զքրիստոսական նշանն անարժանից ձեռօք շօշափեալ և նախատեալ և յանարգ պէտս վարեալ: Օ աշխարհս մեր անապատացեալ զքաղաքս բնակութիւն լեալ գազանաց, քանդի լցան լերինք և անապատք մեր անդերձ փախստէիւք և դաշտք գիակոյտք ոսկերօք կոտորելոց, և անդաստանք մեր և հովիտք ոռոգեցան արեամբ, և կերաք մնացորդքս զհասկ սննդեան այն պիտի արտօրէից: Ազատքն մեր ՚ի ծառայութիւն իջին և փափուկքն մեր յանըմբերելի չարչարանս, բարձունք մեր խոնարհեցան և փառաւորքն մեր յանարգութիւնս ընկեցան, սնունդքն մեր հովասուն լերանց՝ խորշակահար եղեն յարևու, կուսանն մեր օտարաց եղեն, երիտասարդք մեր հովիւք և ջոկարածք պլասեռից: Արօտացաք ողբոցն երեմիայի և կրեցաք զպատուհաս հնոյն խրատելի, տղայք աշխարհաց մերոց որք եղեն և

մարք նոցա պրիք: Որդիք վերնոյն սիոնի զուգակշիւ ոք ոսկոյ՝ իբրև զանօթ անպիտան հարան զքարի, ցրուեցաւ հոտն ան, ճապաղեցան զառինքն արօտի նորա, վաճառակուրք եղեն յազգս հեռաւորս գնեալք արեամբն քրիստոսի: Բաժանեցան ծնունդքն ՚ի ծնողաց, մեկնեցան հարազատքն ՚ի միմիանց, հեռացան բարեկամք ՚ի սիրելեաց, դարձաւ տօնն մեր ՚ի սուգ և ուրախութիւն մեր յարտասուս, և ոչ գոյ թիւ աղաղակի մերում, զի չիք համար չարեաց մերոց: Աւ ՚ի վերայ այսր ամենայնի ոչէ ՚ի մեզ զղջումն և ոչ ապաշխարութիւն, ոչ պատառեցաք զսիրտս մեր և ոչ խարշեցան փորոտիք մեր և ոչ դարձաք ՚ի գնացից մերոց խոտորնակաց, այլ և յաւելաք վերս յանօրէնութեանս մերում յառաջինսն, և խաւարեցան անմտութեամբ խորհուրդք մեր, և ով ոք ոչ զարմացի ընդ լրբութիւն մեր, զի տակաւին պիտի մեզ արևս այս և խնդրեմք հնարիւք զսէր և զվայել աշխարհիս և զփառս սորա զփոփոխականս: Բայց ես մանաւանդ զանձնէ ասեմ զոր գիտեմ միայն զկիրս և զկամս ստորաքարչս անյազապէս եղեալ մոխրասէր յաւուրս իմ, և միայն ՚ի ձեռն սակաւ ստտարիս այսմ ունիմ ակն մեծի գթութեանն ա՛յ վասն աղօթից ձերոց զոր հայցեմս լռութեամբ գրոյս իբրև զովեալ սպասակս առընթեր սեզանոց մեծատուն տերանց: Աւ յաւելում ՚ի մաղթանս իմ զբարեխոսութիւն սրբոյ՝ եղեալ առաջի ձեր նուէրս, առ իս ածել զգութս

ձեր, սիրով զիջանել առ իս և խնդրել ինձ ողորմութիւն
 ՚ի սրտէ ՚ի կամեցող և ՚ի կարող խնամոցն ՚յէ: Աւ այն
 որ մեծն է ողորմութեամբն աջն յաջողակ հօրն բարւ
 ձրելոյ որոյ բնաբար է փրկելն և ապրեցուցանելն, թէ
 պետ և ՚ի մէջ բռնադատեալ հարկանէ յուսով խրատու
 այն որ ոչ ցաւելի կամօք հարկանէ զանդամն իւր զսո
 ւրբ եկեղեցի, և զցրուեալ հօտս իւր հաւաքեսցէ առ
 ինքն յարօտս խաղաղութեան բարերար կամօք իւրովք
 ՚ի փառս անուան իւրոյ, և զերկոսին զակունս զայտօսիկ
 պատուական, զկայծ և զկանաչ, զաթուքս հայրապե
 տական և արքունական հայագաւան ազգիս ուղղափա
 ռութեան, զոր եթող մեզ զաւակ յուսոյն տէրն զօրու
 թեանց, յոր դոյ օրհնութիւն ան ամենակալի գնոսս հա
 ստատուն և անսասան պահեսցէ զօրութիւն ամենակիր
 և ամենաստեղծ արժանաձառանգ աթոռակալօք մինչև
 ցյաւիտեան: Աւ զայժմու նստեալքս արժանաւոր կոչ
 մամք հոգոյն սրբոյ՝ զտէր Առստանդին հայոց մեծաց և
 հանուրց վերադիտող, և զնոյնազարմ ազգի պսակակիրն
 Հեթում պարագայց ամօք և առողջակիր մարմնով և
 անուանի փառօք, խնամեսցէ ՚ի գովեստ ամենասուրբ
 տէրութեան իւրոյ, զաւակօք և զարմիւք որ ըստ հո
 վոյ և ըստ մարմնոյ, և յետ աստեացս անասելի աթո
 ռոյն և անթառամ պսակին արժանացուցէ: Աւ որք
 այժմ ընդ մեզ հարք և եղբարք, եպիսկոպոսք և վար
 դապետք և պատկառելի ծերունիք ժրածան ձգնաւորք

պրփողք և կղերիկոսք, գործաւորք մարմնական պի
 տոյիցս և խնամածուք աստուծաապազ զղեկիս, և սպա
 սաւորք սրբազան աթոռոյս, որքեն ամենեքեան առ
 միմիանս սիրունք և առ մեզ աննախանձք և փոխման
 մատենիս յօժարամիտք և յորդորիչք, զամենեսեան
 առատաձեռն սարգևօք՝ լի արասցէ թագաւորն փառաց
 հոգևոր և մարմնաւոր աջողուածիւք, ՚ի մեծութիւն և
 ՚ի փառս անուան իւրոյ, որէ օրհնեալ և փառաւորեալ
 դովեալ և զոհաբանեալ, յազգս և յազինս բոլոր բա
 նակաց յաւիտեան և յաւիտեանս յաւիտենից ամէն:

Սեկնութիւն զժուարիմաց բանից

Էարլէիս — یرلیغ — հրաման. հրովարտակ
 զիջուր — قوجور — հարկ յանասնազլխոյ
 թաղար — تغار — հարկ. չափ ցորենոյ
 մալ — مال — հարկ ինչ
 տղըւ, ուղղապոյն տղըւ, կամ Լու ևս
 տրղու — ترغو, ترغو — հարկ. պաշար ճանապարհի
 զայան — قآن — մեծ խան թաթարաց
 սղամիշ, ուղղապոյն սիուրղամիշ, կամ
 սիուրղամիշ — سیورغامیش — հաճութիւն, պարգև
 էարղուջի — یارغوجی — դատաւոր, իշխան
 իասախ — یاساق — օրէնք, պատուիրան



խալան — قلان — հարկ ինչ

պոխտախ — بوغتاق — գրակ պատուաւոր թաթար կանանց

խուրուծայ — قوريلتاي — հանդիսաւոր ժողով, ատեան

շահնայ — شانه — քաղաքապետ

փայիզայ — پايزه — տախտակ սկի

սիասաթ — سياست — պատրաստութիւն

բահադուր — بهادر — կտրիճ, պատերազմող

բաւքայ — بوكا — ըմբիշ

իամ — يام — սուրհանդակ

բիդիկէի — بيتكجي — ատենագիր, գրագիր

դուման — تومان — 10,000 հեծեալ (շն) 230

քեսիկթոյ — كشيک — դռնապան

թեմաջի ? զօրագուլսք հին զօրաց

ուրդ — اردو — բուն բանակ

մշոււմ — مشوم, مشوم — թշուառ

շիհ — شيخ — ծովեզր



«Ազգային գրադարան»



NL0361220

